

京秋館譜

卷五至十



亭秋館詩鈔卷五

錢塘許禧身仲羨

桂樓吟

戊申初度

仙容縹緲已三春又到炎天祝壽辰門下鴻才欣擁擠

文案諸士皆有賀壽詩

室中錦繡免鋪陳

抵署後一切華麗鋪設皆屏去均用攜來之物

謝君腹有驚人句

筱石出詩見贈語多勸慰

愧我心多出世塵每值

稱觴虛度日綺筵開處黯傷神

自失女後毫無興味

碧海青天萬象包評詩鬪韻細推敲雲歸遠岫風清暑

月落長隄雨潤郊半百年華偏易度三春心緒總難拋

畫堂人聚愁翻觸惹得嗁痕挂眼梢女亡已三年每值開筵飲酒則反增

不歡

### 倚樓憶女感時

雨霽碧雲天憑闌高閣前承歡金絡索照片忽現女影如帶金冠舞

彩翠躡躑前會賦化黯澹塵心寂留連宦境牽謝庭何

冷落愁悵禱宗先

細雨斜風裏依稀已入秋莓苔生滿地漏點徧重樓正

大雨合署皆漏舊制殊難補新章各自謀最憐民力盡枵腹待

飄浮

鄂中兩旬未雨頗有旱象五月十八日筱石欲求

雨未行余默禱於女靈不期下午大雨一日夜未  
止又禱曰此雨可否分潤京師以救貧民未知能

驗否

借得瑤池水

亭秋

續紛滿鄂城惜花紅意溼

筱石

護稻

綠陰生消我胸中鬱

亭秋

憐他赤子情楊枝堪徧灑

筱

石分潤到神京

亭秋

詩作於十八日廿二日  
有人自京回云十九日已得雨

老父忠心篤

亭秋

嬌兒志性存琉璃光世界

筱石

安樂

錦乾坤膏澤敷三楚

亭秋

謳歌徧九門豐年今已兆

筱

石萬戶飽兼溫

亭秋

似唱淋鈴曲

筱石

翻疑漏點訛樓中聽客展

亭秋

江上

夢漁蓑還念湖山景

筱石

思拋宦海波挑鐙同憶女

亭

秋 永夜發悲歌

筱石

曉色印迴廊

筱石

徘徊雙桂堂 蜨衣分五彩

亭秋

花氣

聚微香風細簾波靜

筱石

天高雲路長 舉頭增悵惘

亭

秋 何處是仙鄉

筱石

時值初度筱石出詩見贈依韻和答

歷盡艱難味還欣 兩意知款成同一 笑敵散展雙眉

庚子

年同居京師遇難

袁浦迎

奎藻

在袁浦署時奉到御書松壽巨幅

梁園哭女

詩 女沒於汴每有詩哭之

執毫無麗句 多半斷腸詞

每得一詩必有懷女之句

猶記蘇臺日分飛 各一天將離談永夜 惜別歎餘年

筱石

奉命督川余因怕聽雙聲曲愁開祖餞筵春風歸棹

多病不能同行今春得

調鄂

速重聚繡簾前湖上饒幽景清波映湧金塵囂須暫卻勝迹且同尋日

落欣浮蠃林疎聽嘒禽秋風歸牧子長笛出山深

冰雪胸懷寄傳家教育馨北堂何背早先姑以紡織教育今君則

貴矣已不及見南國喜鍾靈繡閣連生蕙自漕署得並蒂蘭至今年年必有瑤

階又長莫雲閒仙樂奏玉女步虛聽

又

雨過天青海宇清更欣麗日照江城眼觀殘局愁金

闕坐對華筵厭厭玉觥窗下唱隨關至性庭前冷落歎虛

生紅閨忠烈慚無補報 國鴻才愧列卿

幾椽老屋傍湖濱兩岸垂楊最繫春帆穩一舟游碧海

客居數載近 丹宸欣逢吉士家風舊未仰 賢姑愛

日新疎影橫斜良夜伴自慚明月作前身

積德流芳五世昌鵷聯綵雁盡成行初歸時筱石弟兄皆入仕兩家

春共垂楊柳在京與先姊適廖氏夫人同住一院陰濃護海棠院有海棠二株

祇有餘情憐愛女初生女秀婉殊甚余甚愛之愧無佳句入詩囊分

飛仍作同巢燕錯認金臺是故鄉與姊同住十三年

一卷毛詩自口傳聰靈韻秀宛如仙花前侍母窺雲澹

女在時花開月明必隨侍膝下燈下思兒望月圓今每至良辰更思及女剩墨飄



零遺畫稿

兒生時好畫尙有遺稿不忍展視

柔腸宛轉付吟篇不堪賓

從蟠桃祝祇恨長天似度年

自失女後每至六月朔最怕人祝壽

### 偶檢女遺奩得詩有感

秀句天生詠洛陽誤爲福壽慶絲長

女生前有洛陽錦繡春如海滿地長

開富貴花之句

春朝不道嚴風厲

女起病在春仲

夏日偏逢彩羽翔乙

六月廿二日絃女飛昇日霞彩滿天其中或有仙迹

冷落庭闈星斂燄蕭條繡榻

月無光筠箱怕啟歲蕤鎖遺笥重封觸目傷

### 望晴禱女

一雨田疇足還祈早放晴萬民欣飽暖合省慶安平揮

塵清江漢持瓶淨鄂城驅將宵小散纖手罷欃槍

曾夢女武

裝傍有兩將  
持矛相角

詠八瓣同心蘭 歲歲必有奇花  
或女之靈也

一年數度總翻新屈指光陰歲歲臻  
暫轉瑤臺難戀世

乞來瓊玉更娛親春朝同繫雙心結  
夏日重生八瓣勻

濟濟庭階齊挺秀 今春得並蒂蘭兩朵今  
又得六瓣八瓣各一朵 百枝努力鬪

丰神 蘭祇四盆  
共得百枝

攜得仙風百瑞陳仍然孺慕再相親  
斑衣欲舞堂前綵

繞膝先增室裏春約就雙環同意愜  
結來八葉兩心勻

琪花燦爛如庭玉從此緜傳代代臻

一枝神俊吐清芬向日葵傾護  
聖君勝地催詩香繞

口吟壇弄筆錦成文韻添眉彩盆中玩譜合雙聲月下  
聞低挽同心雲髻靜蘭馨風送在宵分

何故靈山信渺茫黯將芳訊此番藏花生俊品心雙縮  
樂奏琴音韻八琅灼灼珠璣文內彩芒芒錦繡鏡中光  
紛披綉佩連環澹更傍輕紗送晚香

煥發庭前秀清芬拂體馨眾仙同慶祝九畹得先靈普  
濟瑤池露披飛翡翠屏春風生八面眉壽介蘭廳

長日荷香靜枝枝芳體馨一堂欣綉佩八座喜鍾靈對  
月垂雙髻因風護錦屏良宵燈影澹花語隔桐廳

夏夜聯吟

忽聞異香或女入  
庭慰親得句記之

檀降從空落亭秋良宵暫慰親桂樓初月上筱石桐檻

晚風勻得句同拈筆亭秋無聊對寫真每至無聊即對女小影蘭

祥期後會筱石花發證前因荷介齊眉壽亭秋榴開照

眼辰綠窗人語靜筱石紅燭夜光新門下鴻才濟亭秋

堂前畫戟陳欲知天外事筱石還問絳霄神亭秋

六月二十二日龍華寺追薦紋女回筱石出詠懷

詩閱之增感依韻和之

電轉流光一霎飛庭空絮落總萋菲燃眉隨侍紅羊劫

撒手先乘紫鳳歸病內遺言還記憶女病篤言婢女福奴已入鬼籍不兩

月福奴果没又云母有雲中幻影總疎稀有夢而不三

福誰能及尙未驗也

年宛轉悲腸結暮境蕭條生意微

彷彿音容漸渺茫宵來依膝又呼娘

夜夢女依膝呼余

仍留繡

閣虛雲枕

女雖亡余仍為設牀帳

更集金資貯寶箱

女所餘資封存一處

老

鶴戀塵偏荏苒嬌雛棄世太恩忙鏡中電影殊難必自

恨悠悠宦路長

悔向中州戀此官竟遭藥誤最心酸七宵倚枕催歸易

一旦虛庭欲遣難但把詩情封錦盒不隨宦境伴征鞍

右台有路何時返好共梅花守歲寒

女初病起坐如常誤服熱劑竟七日

卧牀而逝

罡風吹上最層臺霞似仙旛面面來

女仙逝日霞彩滿天一霎飛

昇難驟捨幾番入夢總生哀交枝翠羽隨心製女在時以細珠

穿花自造新尺幅雲山親手裁女善繪山水盆內幽蘭添瑞

意雙眉微展向庭開近得入瓣同心蘭或女靈也

鶴返瑤臺不自由還將異迹慰親愁女亡後靈迹甚多皆詳前詩依

庭翠羽紛紛舞入室金冠款款留夢詳含真仙蹟圖一片靈旗

催霧縠數行繡帶擁雲舟余由汴回杭筱石夢女頭戴金冠身著鶴氅坐大舟中旌

旗招展正夢中猶記相遺語弄玉重臨再世游夜夢女解纜而行

行女曰我還來

夏夜與筱石聯詠

靜坐蘭階共納涼亭秋一鉤新月上危牆筱石微雲點

綴星光澹

亭秋

譙鼓清嚴夜漏長

筱石

盆有疏枝花毓

秀

亭秋

甌斟春茗露生香

筱石

燈前回憶含真蹟

亭秋

蜨彩躡躑繞膝忙

筱石

得陳夫人來詩並畫和韻寄酬

瑤箋捧得在西泠一面無緣眼獨青  
宛轉珠璣生繡口

雲霞滿紙筆聰靈

玲瓏腕底有風雲  
閨閣佳名萬里聞  
讀盡瑤篇香滿齒  
絮才好策謝家勳

筆尖端麗畫中師  
染色鮮明冠及時  
占得南田佳品格  
才華不獨杜陵詩

月色花香隱旆旃春來湖上放游船蘇隄楊柳原無匹  
綽約瓊樓處處仙

冷落西湖大不該故鄉何日再徘徊得蒙錦句偏多獎  
未見丰標信妙才

清華富麗格天生小品雲山各擅名今日展觀醒世俗  
何期遙路得投瓊

夏夜感時

一輪寶鏡照庭空綠樹枝頭動晚風半榻茶煙人靜候  
滿江漁火客愁中仙山縹渺三年隔宦性闌珊兩意同  
國事摧殘慚莫補焚香清夜祝年豐



露華如水彩雲空坐近桐陰颯颯風一片丹心明鏡裏  
幾人青眼玉壺中東西舊制渾難定南北新章各不同  
堪笑營謀殊失算豈憂民苦重財豐

鄂省開設各廠  
每虧多進少

黃謙 六月初盆蘭盛開內有八瓣同心者已詳前詩時  
副韻 已七月杪又復盛開特賦

雙枝碧玉總關情皎皎臨軒氣質清夏日吟壇曾角勝  
秋辰花檻更重生輕風拂體香盈室細雨飄階酒滿觥  
澹到忘言無一語同心相印借詩評

梧桐葉落報秋聲欲慰慈闈百戲呈八面生香花吐秀

六月閒生八瓣  
蘭賀詩者甚眾

雙蛾鬪影月重明山陰含露同根澹堂

檻臨風並體清再舞萊衣庭內綵金星入夢效長庚

蘭瑞

時發或女  
慰我老懷

擷笛聲和仙娜姪女韻

雨退炎蒸已入秋窺簾新月一痕鉤夜闌因愛輕雲澹  
嫋嫋餘音繞畫樓如怨如慕偏難續不及羽衣廣寒曲  
隔牆隱約罷宮商孤燈影照西窗綠洞庭暮色已昏沈  
黃鶴樓前帶雨聽梅花五月飄飄落片片飛來歸客心  
高低音韻偏相逐悲心都付瀟湘竹數聲響處度雲端  
何時驚醒紅塵宿風吹細雨滿江城催轉江頭遷客情  
牧童信口吹牛背手按清歌句不成蓬山青鳥無消息

塵緣碌碌終難擲沈香亭內繞梁音一曲清平醉李白  
遙看天畔星斗斜自覺微涼透碧紗臨空淒裂驚棲鳥  
半生幽恨繫天涯

戊申七月鄂中旱熱時疫大行府縣築臺求雨三日未驗余與筱石焚香禱於女靈夜卽大風次日大雨

一念默虔誠雲騰雨澤盈

筱石

萬家消夙疾四野動歡

聲

亭秋

殿早通明啟樓先溽暑清

筱石

孺懷仍繾綣忠

孝本天生

亭秋

承志潑雲光蓬萊歸路忙

筱石

曾隨王母輦已換女兒

裝

亭秋

灑露千條柳迎風一瓣香

筱石

珠簾捲山雨暮

色入蒼茫

亭秋

夜雨西窗靜華堂正上燈

亭秋

宦情清似水世態冷如

冰

筱石

棲樹羣鴉噪凌軒五蝠騰

亭秋

正在梭索枯腸忽見五蝠飛繞樓

前

黃昏人未倦得句寫吳綾

筱石

風弄桐聲碎瀟瀟帶雨聽

亭秋

花陰雙屐滑茶火一爐

青

筱石

塵市原無垢神仙信有靈

亭秋

挽將銀漢水洗

甲瀉瑤瓶

筱石

### 望仙樓

獨倚雕欄望白雲仙音深闕總無聞流霞淺絢千重繡

落日遙烘五彩紋百尺沖霄天闕靜雙枝入月桂宮芽  
重樓倚徧神光杳暮色蒼茫影不分

游仙枕

姹女嬰兒爐火邊胡麻飯熟豈茫然靈臺有路何須佛  
瓊島留賓便是仙桃實千年春似海胡蘆萬象景包天  
純陽若借邯鄲客我願沈酣一覺眠

聚仙臺

指舍真  
第一圖

畫棟沖霄縹渺邊水晶簾下隱羣仙飛昇撒手三千界  
回首塵寰十七年音樂悠揚香繞座雲光約略翠連天  
椿庭緩步重欄外孺慕難拋淚欲漣

筱石曾夢女與三  
五仙裝者團坐於

高閣中面  
含威容

醉仙亭

一曲清平繞御前  
沈香亭醉李青蓮  
風流學士才如海  
美麗嬪妃態似煙  
雲想衣裳花作貌  
文生錦繡句成仙  
欵斜酣卧長生殿  
捉月清池水內天

送別靜壹兄

秋來催動片帆揚  
卻喜天涯聚雁行  
二載睽違窺貌減  
三宵聚首話更長  
重營花圃留蘇署  
再整歸裝返故鄉  
兩袖清風調雅政  
萬民聲頌舊黃堂

征帆甫卸鄂江濱  
座上傾談滿室春  
今日瑤章吟綠野

當年封奏達  
丹宸庭中人  
靜星光澹樓外更闌月色  
新把酒筵前同惜別秋風珍重客中身

八月初靜兄來鄂夜膳時見一深黃色蜨停於杯中飲酒旁有兩蜨飛舞

帶雨翩翩入戶來  
瓊漿黯貯白雲杯  
玉京暫卻清蓮座  
再向慈闈詠有萊

是否羅浮山裏來  
庭前栩栩戀瓊杯  
頽然恍覺沈酣景  
五色爛斑戲綵萊

乘雲撥霧跨鸞來  
暫別羣宮罷玉杯  
更作盤旋親舍裏  
羽衣長袖下蓬萊

偶作

笑他傀儡聚當場宦境無憑最燠涼  
新法更翻雲掩月舊章屏棄日蒙霜  
脂膏零落財愁盡貴賤無分苦共嘗  
若得禱求天意轉萬民同慶共飛觴

先姑姜太夫人九十冥壽在龍華寺誦經謹作

香拂龍華起道場山光圍繞曉風涼  
松陰盤鬱收殘暑竹徑欹斜傲早霜  
略助炊薪郎署窘未能調食阿姑嘗  
夜臺料得筵開處賢婦嬌孫各舉觴

寫懷疊前韻

何日能拋逐鹿場思歸已覺宦情涼  
春朝魚戲西湖水



秋夜烏嘯 北闕霜新舊異宜  
諸政改醜酸殊味片時  
嘗一腔鬱悶冲霄漢坐對芳筵懶舉觴

時已重陽盆蘭又發二枝喜賦

三次憑軒氣質馨山陰芳信入門停  
交柯會共春風澹  
結實還欣秋雨青九畹同心開並蒂  
一枝八面毓雙靈  
瓊葩欲待籬邊菊佳節重芳蘭桂庭

仙蜨

時將近午入華堂灑露含風菊檻傍  
金帶圍腰隨雨舞  
輕紗生翼趁風揚玉盆更戀秋蘭澹  
彩羽偏欣丹桂香  
閒倚雕欄觀鳳子花飄蜨戀兩翱翔

賀友孫姪婦

茱萸滿插過重陽穩渡長江雁一行  
畫錦堂前春似海  
盛筵開處酒花香

籬邊叢菊總經霜課子挑燈秋夜長  
婦捧瓊漿孫繞膝  
祝釐齊上晚香堂

重九日見黃色仙蜨繞菊中作

持螯把酒已斜陽仙羽紛紛鬪彩忙  
繞徧盆花光耀日  
色如金粟更生香

滿城風雨暮生涼雲化明霞過雁行  
蜨桂樓前仙闕近  
題名千載總流芳

龔省吾觀察七旬壽辰有太常仙蜨入室作自壽  
詩索和卽用元韻賀之

把酒剛逢籬菊黃  
爛衣繞膝捧霞觴  
聯翩瓊玉光瑩壁  
合座珠璣綵舞堂  
濟濟清才登仕路  
淵淵家學富詩囊  
太常仙羽臨風至  
願祝期頤世澤長

時見翩翩庭外來  
羅浮山裏有靈臺  
香霏兕酒金波豔  
味熟蟠桃玉露培  
踏雪芒鞋還倚竹  
看雲斗笠更觀梅  
堪欣積學甯馨子  
一片風帆衣錦回

眼觀橘綠與橙黃  
福壽筵開共舉觴  
片紙煙雲生滿閣  
數行珠玉慶同堂  
清吟獨步留花底  
佳韻重拈付錦囊

但與蜨仙齊盡醉洪才豪量兩專長

一片珠纓入戶來衣冠同慶八仙臺堂前綵舞 天恩

永膝下緜傳世德培籬角秋深閒采菊山頭冬老待尋

梅曉霜楓樹形如醉又見蹁躑帶雪回閱圖見蜨停於臘梅枝頭時殘

雪未消也

### 詠菊

鉛華洗盡厭春光耐得西風傲晚霜一縷吟魂籬下澹

三秋逸品砌前香挑燈獨愛冰姿永倚檻偏憐秀色芳

待到月明秋露靜幾番佳色曲闌旁

持螯杯酒紉蘭堂共賞秋英與蜨翔

時已深秋仙蜨日必棲於菊上麗

日滿階窗外靜輕風數陣座中涼清癯品格何愁雨瀟  
灑胸襟獨傲霜心羨淵明空有癖花田買就返錢塘  
春來憶歸風光盪春五對前風八別雲辭春風對秋  
錦纜牙檣帆可收蒼茫宦境歎沈浮春含芳意堪娛目  
秋到清光再舉頭山閣漫題紅葉渡湖隄雅集綠陰稠  
桃花流水輕波穩仙樂沾醪繫小舟

並頭秋菊

瘦影雙雙籬下新秋光皎潔鬪丰神並頭蓮子心同愜  
舉案梅妻氣共清不懼霜華宵月冷何愁冰雪曉風勻  
買山得占淵明癖歸隱湖西錦作茵

秋窗閒坐偶作

春花爛漫春路長  
春朝明媚豔春光  
沿隄春繞添新意  
春水扁舟理舊裝  
馬踏街泥菜花密  
人沽村店酒帘香  
天邊燕剪穿雲快  
山內鶯梭避雨忙  
魚戲春波游水樂  
蜨依春切舞衣翔  
隱隱小橋泊春艇  
飄飄帆影渡春塘  
春山如笑春韶豔  
春雨如膏春草芳  
猶喜春桃紅萬樹  
更欣春柳綠千行  
春日與兒送春飯  
春朝爲母奠瓊漿  
春來湖上風光麗  
春在樓前照夕陽  
雲掩春屏濃於染  
月照春江澹似霜  
春色行宮梅冷落  
春盡孤山竹徑涼  
牧童牛背吹新調  
漁婦鷗波照曉妝  
春風何日催歸

棹春滿仙山嬖女莊春雲迷岫終難覓春海澆愁亦未  
忘一路春晴無可遣當頭棒喝醉黃梁

秋調歌

秋風秋雨入深秋坐對秋窗秋氣稠檢點秋情收不起  
漫將秋景詠從頭籬邊秋菊英長綻庭下秋蘭砌尙幽  
階畔秋蟲聲已寂天外秋鴻唳不休鳳嶺秋雲歸舞鶴  
鵲橋秋水冷牽牛秋江罷釣漁翁樂秋稻登場牧子悠  
消燄秋燈光若豆照影秋庭月一鉤思親秋枕難尋睡  
悼女秋幃夢境留牆角秋鴉噪桐樹欄前秋蝶繞花洲  
酒店秋帘邀過客長隄秋柳繫行舟到耳秋砧聲如擣





亭秋館詩鈔卷六

錢塘許禧身仲諉

偕園雜詠

觀燈卽句與子婦聯吟

家中幼輩製龍象諸燈爲戲補錄戊申正月作  
於橫橋老屋

青龍白象舞中堂萬盞紅燈綵縷長月照當空雲盡散  
光生堂閣色飄揚花鈿貼鬢娉婷婦絨帶纏身蹤跳郎  
幾陣鳴鉦成節奏擊鼓叶宮商流星厯厯當空灑  
玉屑紛紛著意狂

亭秋時  
正得瑞雪

簇簇衣香人影集

巽嘈嘈

雜語步聲忙兒童束髮呈新技稚女垂髻鬪晚妝相率  
寒窗聯夜詠不無雲路恨更長玉瓶斜插疏枝澹  
翠盞傾殘琥珀光最是宵深人靜候拈來韻事費思量  
異

懷女補戊申夏夜作

寂寞書窗燈燄紅拋殘柳絮謝庭空輕羅撲蝶風盈袖  
老樹驚鴉月挂弓三載愛根仍切切一場塵夢太怱怱  
兒時生性原忠鯁願乞瓊漿保 聖躬

戊申夏 聖躬  
欠安於各省延

醫余與筱石禱於  
女前後聞漸愈

已酉閏三月筱石夢女執書問字以詩見示卽和

原韻

蓼莪一卷執庭前彷彿垂髫問字年  
夢境雖迷原可信  
傳家望爾繼書篇

絮落風飄繡榻前白雲迷境又三年  
金魚再向爺身覓  
香雪庭中課舊篇

忽得遺章淚滿前珍藏未卜在何年  
靈根自是生來性

落紙煙雲詠絮篇  
檢女遺匳二次得七絕三首七律一首皆其筆迹此匳自女亡後未忍開

視不知其何時所藏也

回憶燕京十載前謝庭舞綵侍親年  
武昌不是淹留地  
強抑悲懷讀短篇

仲春桂樓思女作

樓前草木又生青春雨  
春風入耳聽廿載光陰彈指過  
一生情緒掉頭醒黃雲迷闕仙蹤遠  
青鳥傳書世路冥  
但把此心託明月莫教塵世久飄零

送春

自送韶華去繽紛滿砌芳鴉  
唳棲樹繞蜨舞惜花忙狼藉  
藉風如捲飄零雨似狂惜春無計  
挽惆悵桂樓旁

德宗景皇帝臨朝三十四年聖德優容自奉儉樸數年

國中多事鬱鬱 升遐聞 梓宮奉移 西陵雖

閨閣愚民亦同切 鼎湖弓劍之思也卽和筱石

元韻

天風一片捲靈旗錦繡江山如亂絲元子臨朝寰海頌  
蛟龍失水幾人知歸真撒手千年恨棄國回頭萬載遺  
今日 梓宮辭 鳳闕 恩波留與衆臣思

雉扇光華換素旗送靈 堯母淚如絲 慈雲永護宮

庭睦 隆裕太后懿旨 君德長留海國知零落燕泥

中禁寂飛來鴉陣後庭遺 聖懷嗟歎無從慰卅四年

來鬱鬱思 數年來中國多事 聖懷無日可慰

迎夏

花落春光去薰風催暑來蘭閨珠箔啟蓮閣水窗開葉

底蟬聲噪樓前燕影回暮雲堪醒日霞錦擁蓮臺

後石有悼次女詩依韻奉和並悼長女

猶記南高峰下風瑤杯親奠右台東

去歲是日正右二台營奠兩女

番悲誤雕梁燕

兩女初無大病皆醫藥誤

一旦淒清衰鬢翁瓊島雲

遮仙已杳慈闈香繞夢長通

入春時夢女且常有蘭香入幃

片帆何日

歸程速月下霓裳與若同

萬竿涼影墓前風猶記罡風起汴東明月慰親借弱姝

清宵問字有詩翁

比鄰卽曲園老人墓風清月白想女當問字其前

何其一藥

雙雛誤

兩女病亟均服薑桂湯誤之

祇賸餘年青鳥通

或遇疑難則夢中預示或

卜之於靈前皆有效驗

最歎清癯雙父母深宵無寐憶兒同

是夜憶兒

失麻

憶歸疊前韻

何日屏開宦海風數椽築就在橋東亭前香雪尋居士  
 湖畔垂楊訪釣翁擾擾干戈何所戀紛紛新政恐難通  
 看山戴笠還攜酒花月偕園一醉同

新購裏橋之屋內  
有一園即名借園

初夏惜春和陳怡護女士韻

和風麗日拂花箋回首鄉關又一年無計留春增惋惜  
 倚欄吟盡落花篇

惜春詠罷不成詩祇悔髫年未得師墨積硯田殊冷落  
 零篇斷簡一絲絲

數年無計撇風塵  
秋去冬來又送春  
何日柳條繫歸客  
膝前冷落絮庭人

片紙瑤華出蜀都  
清才如錦句如珠  
吟箋讀罷香生齒  
欲視丰標半面無

梭石新得鮭魚二尾  
時值周夫人生忌  
卽以供祭  
余代爲增感戲占一絕

回首韶光廿九年  
浮生如夢夢如煙  
雙魚聊報糟糠味  
親奠瓊漿到九泉

周仲堅世講出其太夫人書過秦論一篇索題勉  
成一絕



彷彿蘭亭一卷開如蠅蝌蚪謝庭才而今得閱簪花格

更賀佳兒繼後來

少君  
工篆

西窗開閱筆頭珍字字珠璣妙入神一幅濤箋飛舞處  
琳琅又步衛夫人

和筱石啖鱒魚折箸作

日照武昌城江上風帆動獨坐紉蘭堂轉展思兩鳳忽

送雙魚至預祝熊蘭夢

子婦孕  
將足月

詢問是何來道言江夏

送聊助午時餐又作

朝廷貢鹽味配均勻徧款諸僚

衆不負前室人聊爲心香供

其日周夫  
人生忌

舉案效前賢新

嘗一玉甕籌豈借時攬失異雷聲動七鬯已不驚何有

鄒魯闈圍棋日笑靨齒印出屐縫棄原無足惜新者不  
 合用愛他君子品節節冲霄中伴君僕僕塵朝夕總相  
 共失手意徬徨不禁微引恫祇合且拋開何必再囂訟  
 一躍出深淵竟被垂鉤弄味美異於常整裝思隱鞞意  
 欲乞歸田猶戀 皇恩重終日且躊躇解組還解纒

再疊前韻述懷

濁酒一杯持頓覺鄉思動心非念故園祇為思雛鳳何  
 日可回頭跳出紅塵夢灞柳促歸程錦纜牙檣送遙佩  
 東朝賢免卻朝野貢清靜肅宮闈賢名服廷衆  
隆裕 太后自  
 奉儉省並命免 慰我悠悠人時覺心香供徘徊蘭桂堂  
卻分外之貢

玫瑰開春甕自知量不洪小飲無豪縱最惜漢江城財

窘民時閔

漢口民不安貧時聚與閔幸後石率僚屬百方護之

世路何其梗百孔

難彌縫驕庸笑仕流竟不為國用不許薛逢抹亦負養

由中豈若卻朝簪煙水清波共更惜謝庭人又為心慙

恫卜宅裏橋東閉戶無聽訟

杭州新購之屋在橫河裏橋

月下琴一

曲膝前璋三弄遺德付後輩不讓人飛鞞新來塞漏卮

恐負國恩重何當隱借園端陽同繫纓

借園卽新購之屋園名

得靜壹兄詩和韻

春來湖上萬山青何必鄱陽衙鼓聽帶月六橋魚艇穩

題詩蕉葉綠醅醒烏噓山閣風催曉雁過江村日送冥

荏苒光陰彈指去拋殘餘墨斷篇零

靜壹兄寄示詠紫荆花一律依韻酬之

交葉連枝出畫牆纍纍繁甚滿庭芳根同一體蜂衙茂  
色聚重霞蜨陣狂太守愛花花發秀小民護稻稻生芒  
沿隄柳色春將盡嘹唳歸鴻共憶鄉

去歲冬月女生日有送金橘二盆至今閱半載猶  
粒粒如金摘供女前一旬餘鮮香如故此或有靈  
卽以分食衆人又時值三月珠蘭盛開月季通年  
不斷爛漫滿目亦所稀見可爲三瑞援筆記之

皎皎珍珠粒豔豔黃金顆出是國香城結就團圓果一

是夏初開一是冬婀娜何其春光利拂拂窗前墮更看

隔年花片片如荼火天風度鄂江時雨潤篷舸昔年有

三瑞

在漕署時有蘭蓮菊均開並蒂有詩記之

今日紅雲朶或爲瓊島珍或

種幽谷夥瑤池水自清洒徧雕闌左月魄與花魂均遣

晴煙鎖去歲並蒂蘭賞心足難裏年年有奇珍鍊石媧

皇可翠蜨與仙蜨相對兩貼妥羅浮山裏來栩栩倚花

鞞花瑞並蜨祥同心惟爾我承之白玉盤郁郁馨滿座

又

濃香小朶發經春粒粒如金色更新祇爲幽香清出俗

爲他執筆作傳神

珠蘭

閃爛金光數點黃  
纍纍結就更圓香  
並生梅子春將盡  
又伴朱櫻夏漸長  
海上仙葩傳紫闕  
山中瓊果入華堂  
娛親祇為消沈疾  
入口芬芳繞膝香

金橘

結綵團珠貫若毬  
交柯階下獨凝眸  
惜他桃李春難駐  
羨彼瓊枝色總留  
一載花光終不盡  
數番豔質總常幽  
和風甘雨時培足  
執得尖毫吟案頭

月季

### 有感自解

清和時節整歸舟  
為念微疴又暫留  
過得炎炎長夏日  
一帆風順柳隄頭

去歲憑欄蜨桂樓  
秋風微雨已颼颼  
明霞重疊時將暮

幻就桐陰一葉舟

去秋與筱石凭欄忽見桐葉如幻一舟

閱筱石蘇臺集見丙午年五十壽詩八律依韻和

之

皎皎英才好護持延齡須在未衰時積來不斷椿庭德  
賦就連篇教子詩品重更爲羣意隔志高祇有兩心知  
錦屏早置宜男草自得深潭碧水驪

人生如電本無痕祇有清名可久存嘗盡卅年青案味  
高飛萬里紫金門埽除羅網圖書壁光耀 護闈機杼

村更有糟糠難以慰一杯親奠墓門魂

先姑以紡織教育

弱冠年華初締盟玉臺情重利心輕青囊藥誤何辭世

黃榜無憑竟罷征周夫人病時正值春闈 詠盡落花惟

悼婦拈來枯管不談兵而今坐鎮鄂江地留得雍雍時

下名

斗酒高歌付短筇煙篷一葉定無蹤曾留節使東牀幕

更聽燕京北闕鐘卻扇共嘗郎署澹敲詩同詠鏡臺

濃閒吟滴盡花閒露不道紅巾動戰烽謂庚子之亂

東舍謳歌月夜聞昔年住京常聞東鄰絲竹聲 落花時節燕來羣詩

成初曉開香甕譜就新腔入暮雲鯁直衷懷惟讓我寬

和氣度總輸君德門列戟連枝秀青草春風雁字裙

一署郎官十二年常觀珠玉與雲篇蓮花滴盡欣尋句



柳絮飄零感失眠

每思女失眠

翠蜨欹欄如繞膝

曾有仙彩蜨之異

鸞入室是隨肩

夢兩女

無聊情緒頻揮淚每念前塵總悵

然

絮庭弱息勝兒郎雛燕雙飛冷謝王彩鳳同歸離紫府

翠衣結隊入華堂

去歲四月杪有翠蜨廿餘飛繞桂樓

庭前書帖如臨晉

窗下尋詩更仿唐誰侍蜨樓傳舊業罷琴蔡女隱仙鄉

滿腔鬱悶向誰申梅樹枝頭已減春膝下難求雲路子

庭前已失絮才人悲來彩筆憐花詠興盡霜天借酒醇

一片歸帆風景麗西冷垂釣作閒身

鄂中苦旱府縣設壇三日未雨筱石亦拈香虔禱

余禱之於大士及女靈前次日即大雨

一瓣馨香禱憐民出志誠祥霖佈郊野仙露滿滄瀛佛

力消沈疾兒心濟衆生頃時清鄂渚萬里惠甘氓時甘涼亦

久旱民不聊生余默求兩地霑足旋得甘電云已得雨奇甚

已酉筱石壽辰盆蕙又開並頭者一七瓣者一喜

賦

澆滿瑤池露攜來空谷香並頭如此翼交頸是鴛鴦聯

步紉蘭室相依蜨桂堂素娥鬪清影青女整新妝清浦

三徵瑞清江漕署時曾有蘭菊蓮皆並蒂吳江兩載祥在蘇兩年亦得兩朶朝陽

呈異彩夜月有重光摘句尋幽韻拈詩仿盛唐升庭如

集秀入室似生芳  
合璧珠光滴連肩  
雁序行彩衣因獻  
壽花氣共飛揚

四八集梵五林矣  
余曰留且代裏謝

紉佩披飛綠滿盆  
茜窗風過近黃昏  
蘭階並挽同心結  
繡閣雙歸月下魂  
碧玉垂環聯袂靜  
瓊瑤滿盞合歡溫  
清光長日薰風裏  
香繞庭闈入寢門

天香詠七瓣蘭

天香詠七瓣蘭  
天香詠七瓣蘭  
天香詠七瓣蘭

空谷幽香竟體華  
竹林文彩鬪尖叉  
薰風共譜雙聲調  
秋夜同烹乞巧茶  
北斗星明雲弄色  
西窗月滿劍生花  
詠蘭堂上添詩料  
紀瑞休徒八瓣誇

精蘭 寄懷靜宜嫔

憶曾把晤在垂髫澹蕩春風繡幕挑斑綵庭前同侍膝

收來積雪茗親燒

天香樓外日方長靜掩晶簾因聚香每懼炎蒸還罷繡

清歌一曲已斜陽

桐陰新月一鉤痕舟泊橫橋夜色昏無限離情同惜別

黯然兩下各銷魂

謂嫔赴山左之別

幾番聚首幾番離折盡蘇隄柳萬枝此後餘年留故國

數椽營就裏河湄

余已置屋於裏橋可久聚於武林矣

追憶季英嫔

貌麗才華各整齊  
繡奩書帙賴提攜  
吹簫秋夜桐陰下  
花影迷離月色低

黃鶯聲繞柳枝頭  
夢短春宵懶舉眸  
同步閒庭觀舞蝶  
輕風拂處雨絲柔

未持別酒淚先盈  
催動驪歌心黯驚  
萬里程途成永訣

花閒從此罷同行

嫠隨二兄  
宦於滇南

西窗悼嫠獨尋思  
每憶前情淚似絲  
閨閣知心零落甚  
一篇寄贈九原知

### 追憶慧莊嫠

羨君孝念總眞誠  
乳汁滋親手自呈

嫠減言少笑侍姑  
敦孝每以乳汁奉

母姪女等如饑卽以餅食寒夜漏深勤剪尺自操井臼善調羹

于歸數載返橫橋燭盡清宵換數條何故侵人生二豎

累君藥物手親調余甲午回杭乙未春得重疾幸賴四五兩姪諸方護之

每製寒衣待漏遲炊薪落葉苦堅持呀呀一隊呢喃燕

每值牽衣戀母慈姪輩每牽衣索乳

迷離屬託語如絲一縷燈昏腸斷時今日有兒堪繼後

泉臺阿母可能知嫠解脫時氣息如絲以姪等屬託現登姪已能成立嫠不及見矣

黃鶴樓古時勝蹟當事聽其傾圮而營造風度樓

一笑

時作黃梅甚狂瀾一臂撐鶴飛傾島閣蛇足辱江城伏

鼠終朝喘哀鴻徹夜鳴虛名何所取民命等閒輕受人諂媚

而營風度樓不顧民命艱苦河隄草作每為雨冲坍

何計狂瀾挽江山若可撐外臣多結舌內輔少長城玉

笛吹梅落梧桐待鳳鳴民脂須護惜舊志勿相輕

已酉初度筱石出詩索和勉成四律

微日照蘭堂停歌罷舉觴名園多麗景世路少綱常聞侵

吞賑款者被劾秋浦催歸棹春江誤整裝但將不盡意無語惜

朝陽

名山天下盛難覓在山泉雨久傾河岸時值梅雨隄岸傾坍雲濃

蔽海天近時風氣以朦蔽糜費為能失盡樸實之義桂堂搜集句柳岸整歸

船宦境偏多絆停留年復年

大衍年華過飄零冷玉階風塵偏滯足荆棘更兜鞋幽  
景營高閣名香麗小齋澆愁同檢韻詩酒兩相偕

左嬌何速返世事竟何如雖覺光陰短終難積感鋤宦  
情負流水歸興寄琴書仙迹含真遠驂鸞盼降輿

已酉六月廿二日由龍華寺歸感作

薰風吹汝返瑤臺難戀雙雙白首哀從此蘭階多冷落  
四年眉葉總難開

明知孺慕是天真豈料鸞車促起身滿腹仙機難盡洩  
漫揚秀目欲離神



祥雲一片罩重光  
隱約仙容窗檻揚  
自道老年入暮境

淒然淚落總心傷

廿一日斜日正照樓窗窗中忽現女形見之悲喜交并

右台近日得新鄰  
昔在西泠一面親  
竹露松風明月夜

山前應語世中人

俞府兩姻婆居心仁厚與余甚洽昔年攜女曾到西湖一見

念我年來百病纏  
一身潦倒已如煙  
通宵睡短偏多夢  
若與人言半不全

一椽營就裏橋頭  
欲寄餘身強自謀  
猶記幼時相戲語

淚痕點滴滿襟流

昔與女相戲爲汝造屋娶婦伊頗有喜色

橋邊海市幻層樓  
不道仙居爲我留

二兄向不信神佛之說伊曾見海市

蜃樓在裏橋

最苦謝庭空積絮  
悲懷多繫柳隄頭

真誠一念保親康海島攜來滿袖香

女仙去後余每多病袖內異香不斷

或女為去病也

水閣波光多妙景螺螄門外已斜陽

憶女

一函焚寄渺無靈何返瑤臺棄鯉庭走筆寄兒無別語

椿闈代乞小甯馨

世事無憑我不明干戈擾擾總難平願兒攜得清瓶至

再把烽煙盡灑清

曾夢女手持一瓶內出清氣云灑此可以清世

兩目昏昏欲失明滿腔肝鬱怎能平纏身疾病心如結

賸得胸懷是水清

汝父年來多病身何須苦苦戀征塵癡心欲乞神仙力

煙水清波作散人

余與筱石皆有退志惟近日舊臣日少出奏恐難恩准欲託女黯護之

和馮夢華中丞題含真仙蹟圖韻

茫茫宦海本虛無  
怎奈層雲蔽帝都  
何懼妖風侵正

體惟憑皓月鑒冰壺

丁未皖省起事賴公維持獲安不期後為人排擠而退

忠正傳家信有方  
清風兩袖理行裝  
都門回首仍留戀

北望觚稜總不忘

循環國運但憑天  
零落民資年復年  
曷若挂冠還故國

悠悠林下遠腥羶

世論悠悠好官難久良可歎也

丙吉何能問喘牛  
江河無復挽狂流  
尋常一片無波水

攪動塵昏徧九州

悼子修姪

四載思兒淚已殘誰知猶子又難安  
瑤臺豈少修文使回首光陰若指彈  
去歲相隨侍鄂中從容氣度態逾豐  
不期一藥長歸去零落殘篇燈燄空

堪惜年華未冠時何其一病竟難持  
春花秋月成長別難顧堂前老父思

思歎髻年失母慈不期風雨又相欺  
右台寄語同堂姊余鬢蒼蒼若可醫

重九日寫懷和筱石韻

蒼茫一片望無邊  
楓葉經霜色漸妍  
新法師傳探海外  
儒林舊業棄庭前  
秋航風送蒲帆影  
菊盞壺傾玳瑁筵  
最歎哀鴻無著處  
強留餘喘待殘年

偶作

悤悤一載誤乘槎  
又動秋風金燦霞  
步盡長廊殊寂寞  
獨觀細雨潤名花

米珠薪桂漸成荒  
何故江流又作狂  
挽得偏災天意轉  
萬民無累更無殃

支離滿目令人愁  
阿柄何堪使倒謀  
知否孫吳驕子喻  
蕭牆竊恐起戈矛



亭秋館詩鈔卷七

錢塘許禧身仲諉

偕園吟草

題含真仙影二十圖之五 余爲紋女寫含真仙  
影二十圖各題詩詞不一其中固倚聲居多獨第  
十及十三十四十七二十數圖則兼賦律絕因分  
錄於此其詳已見詞鈔者不復述僅賦詩者則敘  
其因委也

第十仙驛奉母圖

婢春燕夢其時余欲  
送女靈由汴回杭

夢至驛店中燈彩輝煌陳設華美見兒以雙手扶余

入內謂婢曰汝等他處去住勿在此歇

因念長途苦停雲驛店開螺鬟隨意挽鶴擎趁身裁婉  
轉嬌兒態淒涼阿母懷含顰語雛婢遮莫入簾來

第十三仙舟話舊圖

姪女之仙夢  
詳見詞鈔

風動池荷自在香仙衣無縫佩明璫並肩細語聞中境  
攜手驚看世外裝縹緲峰巒清霧隱玲瓏樓閣白雲藏  
黯然臨別容淒澹淚點飄零灑繡裳

第十四蓮座馳書圖

婢阿蘭夢  
詳見詞鈔

香雲繞戶擁金蓮眉角含悲書漫填傳語雛鬟歸報母  
思兒切莫淚如泉



第十七清瓶渡世圖

婢阿蘭夢

見一大舟兒男裝坐於艙中有古衣女裝數人並一  
觀音兜者伏於兒前喃喃而言忽見兒起身入內少  
待更白灰色仙衣出手持腰圓式磁瓶一箇至一處  
房屋軒敞花草匝地兒將此瓶揭其蓋冒出清氣請  
問何爲答曰得此世閒可以清平

手挽銀河款款來迷離之處費疑猜瑤臺相聚諸仙伴  
是否清瓶濟世才

第二十長江飛渡圖

僕婦袁媪婢女春燕同夢

天微明夢大江中有船一隻式甚精麗若玻璃裝成

見兒衣鶴擎立船頭手執竹筒有聲四面奇花環繞  
仙樂悠揚駛行極速別有小船無數船首皆有仙衣

女子隨侍

法雨繽紛夜氣激琉璃畫舫結層層千花垂露羣芳豔  
一片祥雲五色凝廣樂悠揚飛挽渡客心寥落對殘燈  
何曾鶴唳風帆駛拔宅淮南許上昇

蜨樓記夢

此下數詩初別爲一卷今合編於此

自女仙去三年靈夢甚多雖曾繪含真仙蹟圖以  
彰之其後又得十二夢因各賦一詩有倚聲者仍

編列詞鈔也已酉二月記

雲中祝壽一

丁未六月朔余五十初度前一日夢兩女在空中均  
古裝一拜而去

舉首遙觀雁序行薰風荷蓋住吳鄉身披霧縠亭亭拜  
手散天花裊裊香鶴唳雲開停翠輦鸞鳴人靜舞霓裳  
庭闈祇爲思兒苦徧灑楊枝代玉漿

幻蜚舞彩二

仙娜姪女夢一大院中有桂樹兩株見女駕雲下手  
捧一圓球開出兩蜚如蒲扇大又化出無數五彩小

蜚

月中借得兩枝香手捧圓瑩現寶光萬點金星飛翠羽  
一雙玉蝶舞雲裳清風宛轉仙音細舊雨纏絲絮語長  
秋夜唳烏催葉落數聲驚覺夢黃梁

海中護父 三

丁未十月筱石航海入京舟中風浪頗大朦朧閒見

女衣淺藍色衣言神通與天后閣神彷彿卽時風浪

平靜 前數日筱石前室兄丁慎五方伯濟南來函云夢女言往泰山訪友衣藍色衣

汪洋萬頃白波揚滾雪飛花日掩芒浪打船頭無侍從  
燈昏篷背有仙裝明珠定海祈天后羽扇和風仗武鄉  
霜結冰凝黔路遠征途僕僕撥雲光

按此圖尙題虞美人一闋另錄詞鈔

秦嶽候鼻

四

筱石前室兄丁慎五方伯濟南來函云其姪客秋病篤慎兄夢女仙裝來與舅言將往泰山訪友病者無妨其姪爲余姪女芙初之婿姪女素與女最善

潑霧乘風爲父忙神光不令海波揚欲將仙語傳中表故把禪機致渭陽珠絡垂冠雲結彩寶鈿貼鬢露凝香孝思怎滅天妃篤暫住鸞軒入帝鄉

其時筱石入京海中遇風勢甚厲夢

女風浪

卽平

同夢示歸

五

筱石奉旨督川順道回黔掃墓余住杭夢少石大  
兄筱石余及女團坐圓桌閒其時大兄官荊州道醒  
後卽語家中人筱石或可調湖北不十日得調鄂信  
不意筱石在黔亦得此夢見面談及絲毫無異又晤  
仙娜姪女云余去年在蘇署曾得此夢與大眾講過  
竟三夢相同

一庭復聚鄂江濱夢內形容憶逼真天上孺懷仍眷戀  
塵中暮境總酸辛錦帆風穩馳金馬彩仗雲開下石麟  
淚滴花箋書不盡滿腔幽悶向誰伸

其二

黔山萬疊夢相同，依膝偏多孺慕衷。  
天外碧桃和露降，庭中丹桂入雲空。  
江城自有娛親日，臺閣偏無愛主風。  
又展纖纖排霧手，春來穩載半帆篷。

蓮臺聽誦

六

丁未臘月姪女掌芬夢珠冠繡襖者坐於臺上有僧  
人數衆喃喃誦訴夢者未能視面回見二姪婦卽詢  
問答云高坐者姑母處繡君表妹也  
喃喃一片梵音揚彷彿金爐萬縷香頂禮如聞彌子頌  
仰瞻似服藐姑裝幼年閨閣曾相見今日靈山覺渺茫  
始信仙凡難問訊塵中幻景總無長

瓊樓傳語 七

丁未秋為福兒授室新婦入門知女靈蹟敬信殊甚  
早晚焚香默禱於靈入夜夢一青衣婢來隨之行但  
見白雲迷徑綠草如茵樓閣冲霄女憑几而坐婦意  
謂是女心甚敬畏欲詢何不同回慰母女意似知曰  
好在不遠即命退出途中忽音樂悠揚婢曰此鳥鳴  
也醒後詳言婢貌如亡婢福奴云

緩步行來似絮茵琉璃殿閣玉為塵紅閨未作追隨侶  
碧漢偏教瞬息親神似青蓮雲繞戶眉如春柳月生新  
瑤臺高座微傳意是命青衣促轉身



其二

高低宛轉似琴箏  
百鳥聲和若鳳鳴  
拂檻仙風身不繫  
飄窗花雨夢初驚  
瓊樓隱約清光現  
畫閣依稀遠影橫  
星澹步虛天欲曉  
桐陰葉落已秋生

水中窺影

八

夢一片大水余與女影均  
印水中皆古時裝  
遠遠樓臺亭閣徘徊片刻而醒

水邊樓閣是耶非  
夢內觀來景亦稀  
色色空空兒早悟  
悲悲戚戚我何依  
庭中柳絮虛塵迹  
天外桃源有石磯  
十七春光如泡影  
慈闈輕棄入雲飛

按此下尙有玉立織絲一夢題聲聲漫一閱編錄詞  
鈔

率從登樓 十

戊申五月筱石夢女男裝無數僕從護擁從東首上  
供女之樓驚喜而醒

片片旌旗入戶來步虛款款上樓臺遙觀丰采偏難細  
近視朱顏更費猜拳幔盡除閨秀態報恩原仗濟時才  
萊衣若再承歡舞懷抱三年一霎開

玉梅獻瑞 十一

戊申十月筱石夢如鄂署見女古男裝伏案理塵牘

狀兩廊侍者甚多均手持梅花

香雪沿階滿臨風數陣揚清塵良將態安社古臣裝

夢女

衣男裝倚案如辦公事狀

援筆行時雨調羹護早陽背親三載遠何

日報恩長

荷院示靈

十二

姪女芙初夢至清浦漕署園中荷芳書院見女坐船  
中四面紅蓮圍繞卽詢何不同回侍母答曰姊尙不  
知耶望轉言慰母覺清香數陣而別

風靜荷芳院輕舟一葉揚含歡通友誼掩泣詢親康袁  
浦重行地雲車再入堂片言珍重別鶴唳滿瀟湘

秋雨聯吟

紉蘭堂外晚蕭蕭桐葉秋深色未凋

亭秋

千里懷人留

畫譜

陶某精於繪事有仙圖十二幅須繪盼其速來

一樽款客飲醇醪

筱石

斜

風江上孤舟繫

亭秋

細雨檐前短燭燒酒盡雪甌同煮

茗

筱石

臨軒一曲紫瓊簫

亭秋

對酒持螯野菊肥秋風秋雨雁行稀

亭秋

登高零落參

軍帽舞綬拋殘萊子衣

筱石

荏苒經旬仍日落淒離三

載總雲飛

亭秋

桃源有路無從問何日仙洲理釣磯

筱石

石

感時

枝枝梅萼盡含春  
玉屑輕飄不染塵  
碌碌天涯何日定  
茫茫雲路總無因  
黃金積滿肥中飽  
淪沒饑寒苦小民  
堪笑秉鈞諸政改  
終朝鼓舌並搖脣

除夕與筱石聯句

一夜朔風颺飛花  
六出祥寒窗同檢韻  
暖閣快傾觴

亭

秋

山遠迷蒼翠  
天低接混茫  
負薪樵徑斷  
冒冷客途長  
已覺冰初纈  
翻疑月有光

筱石

清宵梅破萼  
豐歲稻生

芒紅吐銀缸  
豔寒凝玉硯香

亭秋

泥痕留指爪  
爐火鬪

旗槍

筱石

揆盡詩腸  
斟來酒味  
芳歲朝同索句  
衙鼓

繞圍牆

亭秋

元旦和筱石原韻

日照江城景色然階前春卉尙生妍

階下月季雖冒雪而甚茂

嬌紅

耐盡風霜裏玉屑飛來繡閣前北闕大行彈奏諫西

窗默念蓼莪篇樓臺一片光明甚柳絮堆庭似積緜

連日

大雪積之近尺今日晴正矣

階前月季盛開口占

飛絮滿簷牙妍鮮隔歲花嬌枝紅吐豔終日向人華

感世

春雨緜緜江路長波光山色兩蒼茫純陽空有神仙手

難挽人間懵懂腸

感懷

此心欲去又句留宦境茫茫不掉頭  
築得數椽臨水屋  
綠楊夾岸繫歸舟

欲斷情魔不自由何時回首擁蓮舟  
江花夢筆終難定  
不若乘風跨鳳游

萬念如冰心已灰春風似箭逐波回  
蓮航一葉斜陽渡  
好向孤山去訪梅

情短情長總是空罡風起處各西東  
惟將根本牢牽住  
他日蓬山一笑同

人生如電夢無痕  
不管花魂與月魂  
是有心田牢固在

參禪何必入元門

示子婦

兩小無嫌情總牽  
謹從姑命敬宗先  
但將忠孝長存念  
積善傳家瓜瓞懸

不羨乘風到鳳城

浴瀾計製不自由  
何須回首羨朝衣  
武亦堪華樂漢室

絲絲火乳藥溫良

此亦慈去又何留  
豈敢強我下不將  
應樂對娘慈湖水

亭秋館詩鈔卷七



亭秋館詩鈔卷八

錢塘許禧身仲諉

十月初七日 先君忌日感作

失侍闈前五十年來定省夢中親  
椿庭仰望形容渺  
護室回思訓語真已歎荆花香  
寂寞更傷柳絮意酸辛  
雲遮海島歸何處鬱鬱情懷久  
困塵

和筱石留別武昌元韻

何日西湖執釣竿滿懷離緒有千端  
柳枝折盡凭高閣  
菊影凋殘傍曲欄驛路柝聲欹枕聽  
沿江山色捲簾看  
何期又阻歸山計乞退無方誤此官

心性闌珊祇自知但存公憤不存私廿年祇覺雲程速  
長夜偏憎月影遲 北闕需才難乞病西窗和韻苦尋  
思驪歌折盡長亭柳別淚盈衫意已馳

不分砒石與瓊瑤僕僕鋒車擁滿輶隱士安貧求實學

幕僚無識盡宣驕 屬下諸員共欲隨行近奉旨不准奏調亦難勉強也 離筵未舉

樽前酒別淚先傾心內潮風雪載途須自惜春回惟祝

卸金貂

歸鄉從此了餘年好去西泠聽杜鵑世路笑他如鹿逐  
故山容我覓牛眠計程目極人千里贈別魂銷賦一篇  
再向天香書錦字春風載滿盼歸船 余所居室名天香樓

贈筱石

時事憂煎每失眠  
念君帶疾去朝天  
皇皇 詔旨催人  
急乞退無方兩地牽

宦境茫茫總不窮  
更番水驛任飄蓬  
乘風帆影歸途速  
山色斜陽一片紅

碌碌征途鞭影長  
扁舟無奈整歸裝  
鹿車難挽言無盡  
須念奇謀預錦囊

一病懨懨不自由  
終朝默默但眉愁  
名山故國深堪戀  
雪滿窗前獨倚樓

十月廿七日楚江舟中不寐聯句

詞林典故卷八

篷背瀟瀟雨 亭秋 聯牀話別情 岸花飛遠道 筱石 燈蘂

卜歸程 兩地愁無盡 亭秋 連宵夢不成 征車催太促 筱

石 離淚暗相傾 亭秋

舊約遲偕老 亭秋 恩恩感白頭 江閒風捲浪 筱石 天際

雪盈舟莫戀 名場熱 亭秋 難拋閨閣愁 臨歧珍重意 筱

石 襟酒說杭州 亭秋

五載思兒苦 亭秋 愁中與病中 歸舟惟載月 筱石 飛蓋

又乘風時局艱難甚 亭秋 離懷彼此同 何時梅鶴隱 筱

石 煙水故園東 亭秋

江岸一樓古 亭秋 鶴飛依北枝 笑他名利客 筱石 祇解

頌揚辭善掉蘇秦舌亭秋能開德曜眉漢南無限柳筱

石攀折意先馳亭秋

舟中偶作

笑彼爭名客如蜂聚漢陽但知心似火不懼面如霜決

盡湘江水難清世路腸宦情何攪攪雲路總茫茫

未得皇恩允歸田不自由山花隨雪舞江月逐船流

柏入燕京地還欣故國留柴門聞犬吠但祝遠人舟北

乃女降生之地不忍再去也

漢江舟次和筱石韻

打疊行囊負一肩辭歸無計再朝天輕塵微雨難留客

巨浪狂風亂入船

本擬渡江為風所阻

今日疎燈同詠別明宵漁

火隔愁眠春蠶絲盡情難斷折盡長條在柳邊

舟抵金陵口占

萬頃蒼茫裏遙天斗柄橫不堪回首處倚棹望南京

和筱石寄懷韻

一葉浮萍北雁傳催殘銀箭獨茫然拈來紅豆書難述  
挑盡青燈夢未眠宦境無憑遑自主愁腸宛轉總生憐  
寒更風送聲聲近和韻詩成未落筌

又

但把離懷賦幾篇沙灘風烈阻行船蒼茫萬頃洪濤外

山色浮沈落照邊

車輪馬足起征塵  
難顧年來帶病身  
黯把心香禱吾女  
歸期惟盼是明春

尺幅傳來錦繡篇  
殷勤絮語慰歸船  
離情強止終難盡  
暫付梅邊與柳邊

年來我更倦風塵  
藥竈丹爐多病身  
惟有一絲情不斷  
茜窗獨倚望歸人

寫懷

情短情長逐水流  
滿山紅葉正深秋  
迴文欲挽征鴻影  
錦字重拈待月樓  
天語煌煌難乞退  
人心碌碌各專

謀春蠶何故絲無盡挑盡寒燈祇覺愁

又

衣冠濟濟少綱常媚語驕情各擅長宦態隨風吹落葉  
世情如絮逐垂楊病多祇覺身爲累眠少方知夜未央  
猶盼雞鳴勤報曉一絲日影放寒芒

又

廿年宦海作生涯卜得平安幸抵家謝卻世情惟靜待  
山中不負絮庭娃

接筱石懷女詩和韻

曇花一現乘風去鶴夢江流待母歸從此故園終伴汝



我心如石總無違

得筱石電中寄懷詩和韻

杯酒澆愁否登程不自由  
征車何急發江水總長流  
心去隨風澹神馳有夢留  
柳條何散漫難繫是扁舟

又

晴空自覺江南暖  
一旦屏開宦海風  
君在前途須自愛  
家書來往託鱗鴻

和筱石展榮文忠墓作

念師眉葉總難開  
應有雲車風馬來  
三世忠貞辭闕去  
數行桃李倚門栽  
買山未允愁生黛

乞歸未允

報

國無方

愧乏才新政方殷再展松楸元輔墓紛紛清淚溼吟顛

和筱石韻

轆轤轉轉苦尋思癡到情魔自不知蓮漏聽殘驚短夢  
梅窗坐盡罷飛卮三千驛路難傳語一幅花箋且寄詩  
宦海何期偏滯足連朝有夢共相馳

裏橋新屋上梁誌喜寄筱石

外交新政總徬徨雖有奇謀難預防不若挂冠歸故里  
六橋三竺玩春光

居然營就一枝棲和暢春風百卉齊戴笠看山塵霧遠  
柳陰深處杖同攜

見幾及早可回頭  
曹懂場中勿久留  
惟願春來歸棹速  
庭前香雪酒同浮

卜得新居近水樓  
森森蘭玉聚階頭  
書香不斷科名草  
一片簪纓代代留

送竈日口占

無力披裘倦整貂  
怯寒珍重可憐宵  
藥爐愧乏青囊手

荏苒何曾問六橋

抵杭一病三月未至西湖

神歸雲路奏天皇  
萬戶千家細細詳  
善惡分明應不諱  
金爐豈枉受人香

病中述懷

通年聚首偏無夢一別何其夢太多底是情魔常攪我  
拈來詩韻不成歌

延得醫來亂我懷五宵驚懼總難排從今願撇紅塵累  
築就偕園設小齋

紙窗夜夜望天明凍箭聲聲夢不成病體累人難輟側  
雞聲四下一齊鳴

每失眠聞雞聲知  
天明心中稍寬

滿胸塵垢總難清怎得沈疴漸漸輕爆竹催年春已轉  
六街人語帶歡聲

不寐再和筱石韻

卧對青燈不盡思年來情緒少人知病多心亂欹鸞枕

樂少神疲罷酒卮但覺滿身如塊壘祇將萬念付新詩

寒更聽盡魂飛越一霎何其神已馳夢與筱石在鄂同上後樓筱石由西

首梯上余由東首梯上可謂心記夢矣

笑謝祀先口占對春突突諸公事事殊重謝一韻亦日

一病總纏繇通宵夢不全但將無限意稽首禱 姑前

吟望三月之病頗覺悶懷立春黎明枕上口占

迎得春光轉重看百卉香金臺辭爽紫闕繡閣卻青囊

但祝齊眉壽堪欣繞膝芳偕園同一醉歲歲共飛觴

元旦述懷柔味晴春風錄輯回

攜得山中佳色來歲朝欣看凍雲開微香窗下能清目

疎影燈前可舉杯  
絮舞庭中嗟冷落  
詩情案上細敲推  
名園同舉齊眉案  
和藹春風縱棹回

年來生性但癡嬌  
病體離愁每自撩  
怕見風雲多變態  
惟求琴瑟靜相調  
天開日朗胸懷爽  
花豔香濃酒壘澆  
仰望蓬山憶吾女  
數聲長笛入丹霄

和筱石寄懷韻

笑他帝里滿城春  
袞袞諸公事事新  
重擔一肩何日歇  
清波煙水作閒人

無聊杯酒借詩狂  
又見春風報吉祥  
自覺病根難盡去

數聲長歎對蒼蒼

延朱小南診治云病根已深一時不能盡去

對梅

一片春光靜蕭疎影正斜窗前如解語不愧名花

得筱石詩疊前韻

疎香澹影尙含嬌滿腹愁腸祇自撩一曲簫聲惟自遣  
數聲琴韻有誰調寂寥心性難培養冷落春花懶灌澆  
最苦此心常百結終朝但祝入雲霄

和筱石韻

香雪花繁繞右台春回已覺凍波開扁舟寂靜乘風穩  
天闕晴空帶月來尺幅勸歸書不盡滿腔惜別句難裁  
他時合作淵明隱籬菊攜鋤細細栽

又

傳來一紙拆封筒  
閱悉情懷又不同  
無力勸歸惟浩歎  
離愁積滿在胸中

年來眉葉總難開  
顛倒情腸何太歎  
從此推開塵海夢  
春風未必肯歸來

又

雲靜天多韻  
春和花聚香  
探梅吟綠萼  
惜別罷青囊  
眠食時時減  
年光處處芳  
終朝愁病集  
無興罷飛觴

疊前韻

深閨簾護處  
時覺有奇香

自抵杭常聞各種異香或女時來

日影移窗



隙詩篇入錦囊蓬萊春色滿花月總長芳惟盼鸞車到  
瓊山共舉觴

自題道裝小影

雲山回首總茫茫荏苒紅塵爲若忙何苦七情難卽斷  
飄然辜負道家裝

得筱石來書卽占寄之

願乞天恩允輕舟返故鄉春風和靄處花月共傾觴

和筱石寄懷韻

地近京師爵位高難防人語更囂囂素心共見如星月  
赤膽何愁吠犬獒詠別鸞箋存玉案盼歸鴻影卸征袍

迴文書盡情難盡和暢春風讀楚騷

疊前韻

湖上春來塔影高扁舟一葉避人囂  
南山攜手朝靈鷲北闕抽身遠怒葵  
杏樹林中橫玉笛蓼花洲裏拂宮袍  
白頭同作西泠隱一曲清歌和屈騷

書感四首

篇篇封諫效微忠誤聽蜚言惜蹈空  
落葉滿庭難盡掃飛花逐水竟無功  
新章擾亂民貽害舊制飄流國累窮  
貧弱至今難整頓虛懷如鏡且朦朧

行止謙和品亦方居官勤慎豈尋常  
縱教白璧羣蠅玷

難沒清風兩袖香志士遠嫌須有斷諫臣誤奏竟還鄉  
貽憂不念護庭愛留得清名他日揚  
卻嫌巾幗愧鬚眉雖有冰心難作爲願守鶴田情本澹  
欲拋藥竈病何支風波宦海原非戀清潔林泉轉覺宜  
落得襟懷如皓月一身剛骨總無移

諫書尺幅志非常如得青囊卻病方直節干霄存勁潔  
愛民如雨沛沱滂葵花向日曾何改梅萼含香久自芳  
吟罷胸懷爲一暢三千驛路已神揚

得筱石生日來電詩卽和元韻電寄

濟濟衣冠敞綺筵客星分野尙游燕依庭斑綵香生座

是日黃色蜺來停壽燭  
旁終日不去心疑女歸  
望遠神飛日似年祇感帝恩

圖報國難將心迹學參禪  
鹿車自愧無從挽但向西

窗一醉眠

得筱石賀壽詩扇卽和元韻

結就同心並蒂蘭  
漸消炎熱惠齊紈  
妝前反覆情無盡

燈下摩挲幾度看

句如珠玉筆生花  
讀罷新詩燭影斜  
滿院馨風人寂寂

心香一瓣祝還家

榻來夜夜聽江潮  
築就新居近裏橋  
灰盡年來孤癖性

此心終日惜雙嬌

冰懷如雪不知春，剩得清癯一病身。  
藥竈茶爐聊自惜，秋來暫慰客中人。

庚戌生日得筱石電詩卽和元韻電寄

久矣辭膏沐，何由醉酒卮。  
歸帆天際望，卧榻病中思。  
愧說千秋慶，歡吟五字詩。  
秋期定相見，翦燭莫嫌遲。

次日又得寄懷一律和元韻電寄

一木難支厦，期君安樂窩。  
望雲思宛轉，惜日病消磨。  
好種瓊莊柳，頻探曲院荷。  
歸來多韻事，莫使等閒過。

蘇州所帶芭蕉芙蓉薔薇種，於天香樓後院滋生。  
數倍將一半移植新屋，親爲布置，覺胸懷一爽口。

占一絕

布滿名花處處新一椽築就漸成春歸鴻天際聲嘯處  
閒倚雕欄數綠茵

七夕

澹澹花光雲片青且將瓜果設中庭癡心黯把雙星禱  
嬖女仙槎何處停

感作

一腔鬱恨透重霄何故征帆太覺遙獨怪離懷無可遣  
澆愁佳釀執瓊瑤

堪憐老境太零丁祇覺昏昏夢不醒一載沈疴何在苒

藥爐鎮日總無靈

將欲赴津寫懷

五載思兒傷盡心無端風雨總難禁  
征帆何故催人促  
青塚難拋別淚零

青山疊疊已新秋欲守林泉難自由  
雖向前途何所戀  
無憑宦境倦睜眸

長日無聊靜閉門藥爐茶竈近黃昏  
秋風颯颯聲聲漏  
夜靜烏嗁欲斷魂

茫茫幻境本非真古制飄零事事新  
國帑漸傾民意亂  
堪憐富貴若浮塵

廿年梁孟敬如賓別久離懷總愴神  
整頓藥爐珍病體  
盈盈一水再通津

中秋帶月夜歸

行程何急促病體總難支  
歸去清輝滿遙聽漏點遲

申江舟次贈靜兄

雁序江干聚復分別離情緒總紛紛  
片帆風送行程速  
回首鄉關掩白雲

樓船執手總魂銷  
屏卻離腸又復挑  
紅日滿江風色靜  
故鄉東望路迢迢

秋江自感



片函屢屢促行旌何故恩恩又啟程一抹秋江排雁陣  
山頭紅葉復相迎

西子湖邊是里門青山紅樹滿江村右台作別魂銷處  
誤把嘵痕作酒痕

瓊玉山頭信有神清朗朗照乾坤輕風寂寂秋波靜  
勝渡鸞輪出海瀛

滿腔煩悶透重霄底事仙凡路轉遙舉目繁華何所取  
此心總覺太無聊

途中憶借園

小圃秋光步綠茵護花疊石淨無塵臨流一角登高處

遙看行雲片片新

雪練秋波日色新湖山回憶總馳神春風但祝歸來早

翦燭偕園鬪韻頻

和筱石九日登高韻

品茗清談游興豪滿林紅日共登高籬邊鶴子思鄉里  
檐外鸚哥惜羽毛幸有名園能助酒愧無佳句續題糕  
謝庭詠絮人何在心緒無端空自勞

疊前韻

不對花豪對酒豪瓊杯執盡興難高獨憐薄宦同雞肋

何日靈禽引鳳毛長夏故園欣解纒

端午正在杭城天香樓

深秋

戟署共題餽民資零落金戈動世路愁觀總覺勞

重九後二日和筱石元韻

朔雁南飛天漸寒征帆甫卸暫相安登高共賞園中菊  
倚檻同觀庭下蘭一病纏身心已槁五年憶女意難寬  
北門重擔何時歇獨對秋風感百端  
年來荏苒病中身家務紛繁事必親築屋數椽營小圃  
買山一角近河濱登高仰望天邊日俯首還憐膝下人  
猶記初歸秋夜詠小窗翦燭總生春

疊申江舟次韻寄兩兄

江干相聚復相分甫卸行裝家事紛難覓回春醫國手

眼前富貴等浮雲

離懷愁緒總難銷因畏秋寒簾不挑紅日滿窗花圃靜

魚書珍重路迢迢

秋夜與筱石聯吟

秋晚夜如何

筱石

思兒悲放歌

亭秋

雲容空想像月貌

費揣摩

筱石

侍膝生前渺趨庭夢裏多

時或

春申江上

渡隱約步凌波

亭秋

申江舟中仍以女生前被褥鋪設於對面半夜忽見帳自挂起詢之婢

女均云未挂

六年成小別風月總關懷菊影搖珠箔

筱石

苔痕冷玉

階

亭秋白鷗盟宛轉青鳥信安排

筱石

遺篋分明在

亭

秋  
傷心紫玉釵 筱石

欲慰庭前感攜來兩袖香桂樓曾舞彩瓊島罷飛觴 亭

秋 鄂中桂樓前忽來翠蜨二十餘詢之於人均言羅浮仙蜨 憶爾懷中月 筱石 憐余

鬢上霜 亭秋 寒衣誰料理刀尺費商量 筱石

甫賞重陽節登樓意惘然 筱石 浮生如泡電過眼總雲

煙多病身難健 亭秋 含真蹟已仙 筱石 茫茫無限恨搔

首問青天 筱石

補作送別蓮卿姪女

數月殷勤伴晝長歸途珍重雁雙行花香簾影薰風靜  
每伴岑寥慰鬱腸

椿庭舞綵侍飛觴暫緩征帆居故鄉春轉星回歸棹速  
繡簾深處靜焚香

題徐花農侍郎三似吟詞

漫空一片翠如屏執杖攜琴過短亭山缺似聞雲裏笛  
菴深靜聽佛前經西樓日隱霞生赤南浦江流浪捲青  
徒倚閒庭除落葉普天名勝是西泠

步澗臨溪攜錦文深山鹿鶴總成羣題詩壁上香縈筆  
翦浪湖中霧埽氛病起看花還策杖睡來枕絮欲眠雲  
長生試覓胡麻飯因乞金丹訪老君

身在蓬瀛得地高脫鉤休作釣中鰲閒評梅鶴邀松壽

靜訪詩人聽海濤  
曉起看雲攜斗笠  
晚歸帶月脫征袍  
清標不戀浮名貴  
紅袖添香避擁旄  
塵沙避靜喜閒居  
戴笠攜鋤自種蔬  
照壁青燈香繞室  
生花彩筆玉成書  
看山訪舊僧應識  
閉戶辭賓人不如  
千載流芳存墨蹟  
一生逸志繪成圖

和筱石九日登高韻

恨天難補問媧皇  
皎皎清輝忍舉觴  
回憶家山餘落日  
又從客裏度重陽  
數叢韓圃花容澹  
一帶蘇隄柳色黃  
穩渡片帆江海闊  
可能傳信到扶桑

新政紛紛鎮日譁  
書堂角藝不思家  
樓中客未歸王粲

海上船聞放呂嘉岑寂護堂歎春草飄零香徑惜秋花  
商聲一片何喧耳閒倚西窗聽暮笳

又寄 十月初二日焚寄丁夫人容戲一帶蕭瀾賦白黃

落葉炊薪感舊情每教醒眼聽長更東牀容坦華堂贅  
蘭室曾經錦輜迎甫發征車情緒永誤人黃榜病魔生

右台何日瓊漿奠應有嬌兒喚母聲 筱石春試北闈丁  
夫人已病及至得

第夫人不  
復見矣

和筱石韻憶女 登辭似自蘇燕照壑香餘寤

一現曇花奉玉皇瑤池瓊宴再飛觴飄零玉樹悲殘月  
冷落金環歎洛陽老我那堪頭漸白嬌兒猶憶口初黃



春風秋雨偏多感塵世愁觀幻海桑  
可餐秀色靜無譁航海曾經到外家  
舉室共驚天性篤  
一門齊羨德音嘉巢空搖落悲雛燕  
雪後淒涼詠柳花  
悵望右台山下路蕭蕭風葉起秋笳

述懷示筱石

行徧山坳又水坳挂冠歸去免人嘲  
春朝載月尋幽境  
秋日攜樽踏遠郊  
世事如雲幻蒼狗湖山容我繫青匏  
登樓共眺橫橋景鸞鳳同棲新築巢

對菊聯吟

秋容珍重護西風人與黃花意自同  
亭秋  
圍帶瘦憐多

病後紙窗寒透晚香中 筱石 無言對爾心情愜 亭秋 有

酒催詩唱和工 筱石 江上歸期何日定 亭秋 夕陽明滅

短籬東 筱石

蕭瑟秋心晝掩門黃金為砌玉為盆 亭秋 孤芳傲世何

妨隱 筱石 病骨經霜不解溫 亭秋 合與竹梅三友共 筱

石 笑他桃李一春繁平生雅抱淵明癖 亭秋 早晚移根

傍耦園 筱石

書懷示筱石

兩心相敬案相莊簾捲西風共舉觴漫把餘音調錦瑟

更將疊韻入詩囊青燈伴讀情彌永玉盃評茶味共嘗

嘹唳征鴻秋夜靜一彎皎月過西廊

疊韻懷女

築就西泠窈窕女莊清風明月快飛觴扁舟載酒尋花港  
石壁題詩罷藥囊宦海拋開身共隱清泉覓得茗同嘗  
雕欄倚徧星光燦仙步凌虛降曲廊

閱筱石與文案諸君聯句率賦一律

衙鼓沈沈靜掩門挑燈賭韻鬪詩魂煙籠香澹花憐瘦  
風定寒銷茗帶溫擊鉢吟情猶未減如棋時局復何言  
主賓喜盡東南美永夜推敲且避喧

長至後二日與筱石夜話聯句

客裏逢長至 亭秋 春先啟一陽節因添綫重 筱石 人為

惜花忙 亭秋 太瘦嫌裘薄 筱石 無眠覺漏長 亭秋 寒鴉

衝積雪 筱石 征雁怯嚴霜野菊留佳色 亭秋 官梅發古

香 筱石 挑燈情脉脉 亭秋 擊鉢韻琅琅寶鴨煙初燼 筱

石明蟾夜未央 亭秋 懷人公路浦 筱石 適得馮 夢華淮上書 思女

右台莊海上風濤烈 亭秋 閨中簫笛揚 筱石 明年歸計

早片舸渡錢塘 亭秋

十一月二十九日憶女

欹枕無眠心黯傷夢魂難覓女兒莊雲山縹渺何時往

世事離奇不可防病體纏繚殊自畏珍饈羅列未能嘗

家園遙望情無限那日輕帆返故鄉

題竹洲淚點圖

冰雪堅貞味寒辛兩代嘗侍姑炊落葉教子案螢囊血  
淚斑斑染賢名處處芳展圖欽勁節膝下定飛揚

憶女

雲掩仙山霧掩鄉愁觀兩鬢漸如霜心蒙煙瘴情難醒  
病已支離藥懼嘗錦繡綺羅添我鬱雲裳鶴氅憶兒裝  
華堂荏苒心如醉回首家園何渺茫

題龔觀察自壽詩

詩畫怡情性自閒惟餘游興未全刪庭前蘭葉春生坐

窗外春風晝掩關踏雪攜琴隨意玩看雲帶酒賞心還  
掃除宦路沈迷氣買得名山總愛山

和汲姪韻

綺窗梅萼影重重病體愁懷諸事慵冷夜光涵雲色靜  
薰爐香繞晚煙濃青年壯志千人選紫闕需才萬戶封  
民氣凋殘生意盡愁觀風雪掩秋容

懷女

六載怱怱別何時一夢親音容空想像老淚總傷神  
女莊前柳桃源洞裏人他時回首處雲水證前身

雪後藏海園憶女聯句

雪後園林淨埽塵筱石尋梅忘卻病中身亭秋紅樓日

近晴光灩亭秋碧沼冰融冷意馴筱石合坐一樽澆塊

壘亭秋昨宵六出徧郊闌筱石右台回首增惆悵亭秋

不見庭前詠絮人筱石

偶成

卜得新居近舊廬門前一水自成渠柴扉輕叩賓來少  
竹徑深藏鳥有餘梅占歲寒嗁凍鵲柳迎春暖貫維魚  
借園翦燭同拈韻膝下飄零祇自歔

和筱石藏海園拍照元韻

梅雪交輝兩意親暫拋塵牘得閒身漫尋曲沼池邊柳

猶憶仙源洞裏人鏡內衰顏寒倚竹簾前臘意暖生春  
花朝月夕齊眉案形影追隨歲序頻

題銅官感舊圖

竹帛名垂萬禩春英雄膽氣劫餘身湘江一片蒲帆影  
留取丹青付後人  
風雨蟲沙年復年人生回首是輕煙旌旗鼓角知何處  
滄海而今又變田

記否餘皇動戰爭森森劍戟吐光明春秋留得功臣廟  
逃聽江皋播頌聲

義膽忠肝逝水流相知何必羨封侯銅官一舸悲風起



蘆荻蕭蕭廢壘秋

和筱石詠水仙元韻

常親眉案韻天然玉骨偏投水石緣妝閣每欣三友共

冰姿早占一春先寒槩自顧纖纖影臘鼓曾憐歲歲妍

臘鼓催年人自惜而花亦惜也檢韻拈詩心自感滿腔愁緒惜游仙每

一詩必思及女

辛亥元旦憶女和筱石韻

電光一霎太恩恩鬱鬱情懷睡夢中無奈且將人事盡  
含悲回感女心同趨庭省視承歡靜俯案沈吟拈韻工  
爆竹催年人漸老雲山迢遞信難通

和筱石謁曾文正公祠元韻

虔禮崇祠遺迹留傳流千載祀春秋樓船渤海乘風猛  
官柳金城感樹猶遙望青天橫郭遠靜觀紅日倚欄幽  
臨風今日神先往遺像清高繼武侯

詠李文忠公祠

賢輔閔才社稷安也曾隻手挽狂瀾靈祠今日香花供  
華表千秋墓木寒舌比蘇秦能卻敵謀如韓信早登壇  
盛名赫赫形容渺一抹蒼涼夕照殘

感時

鳳城春色未爲高宦性蒸蒸興太豪仕路疆臣俱擱筆

天家貴胄欲吹毛  
山中泉水邀清興  
園內名花賦廣騷  
客裏鄉心拋不得  
願將蓑袂換宮袍

和筱石元夜河橋觀燈韻

元旦露華蒸清宵  
萬戶凝銀花  
開火樹雅謎試春燈  
筱石

新正作燈謎遣興

宦海愁雙目  
仙山隔幾層  
惟將不盡意  
握筆

寫吳綾

病久懼熏蒸

余病將近一年精神委頓興致毫無

更長夢不凝心  
如一片

月明比萬家燈  
飛絮伴瓊壘

庭前積雪成堆

名花似錦層

牡丹海棠

開之甚茂

深宵傳蠟燭  
春滿漢宮綾

和筱石韻示福兒九姪

趨庭習詩禮休看董園花  
嬌水遺風厚金臺落日斜  
平安報我忠厚久傳家  
別有金鑾恨蒼蒼兩鬢華

和筱石韻

光陰荏苒愁中過日月更番年  
復年海外風濤消雪後  
庭閒梅萼占春先孤帆遠影歸  
舟穩墟里輕煙落照前  
欲覓村醪拚一醉攜來還有杖頭錢

亭秋館詩鈔卷八

亭秋館詩鈔卷九

錢塘許禧身仲諉

憶寒山寺和筱石主人韻

回首蘇臺憶昔遊  
杖藜扶我過橋頭  
清風入耳濤聲遠  
紅葉漫山已報秋

漁火江楓暮色濃  
雪泥鴻爪寄行蹤  
何當共載瓜皮艇  
重聽寒山夜半鐘

佳句流傳每易訛  
殘碑斷碣幾摩挲  
說詩幸有曲園叟  
壁上留題字不磨

十里鶯花闢廣場  
金閭門外月如霜  
何人領得清涼趣

一道虹腰踏蘚蒼

上巳觀劇和筱石韻

勝會幾忘客裏身  
獻籌交錯欸來賓  
如聽天上霓裳曲  
惜少庭前舞綵人  
開甕喜嘗千日酒  
看花休負一時春  
衣冠半是詞林客  
修禊欣逢上巳辰

詠水仙和韻

玉潔冰清水石宜  
窗前花信未嫌遲  
亭亭耐得嚴寒味  
又向春風共展眉

浣誦佳章筆吐光  
凌波未減舊時妝  
瑤臺携得長春景

分贈東風數本香

筱石送徐花農侍郎  
石榴水仙各二盆

春日遊園和韻

日高花影尙纖纖  
桃李東風畫意添  
新茗細烹欣味永  
輕絲初試卻寒嚴  
半灣池鏡開眉黛  
一曲宮商繞指尖  
春色滿園觀不盡  
愧無佳句詠香奩

嫋嬛精舍聯句

一覽名園勝亭秋東風繫客情筱石綠垂春漸老亭秋

紅溼雨初晴筱石雲鎖長廊靜亭秋波澄曲沼清  
魚知

穿荇樂筱石鳥弄惜花聲亭秋日色天邊近筱石潮頭

海上平亭秋不須三徑埽筱石得句喜同賡亭秋

騁懷軒晚興聯句

初夏薰風輒相偕步綠陰長空仙蹟渺亭秋曲徑白雲

深活火宜烹茗鳴泉似鼓琴 主恩無可報筱石歸隱

有同心亭秋

一望平鋪翠林深鳥弄簧亭秋帆收斜照影風送半池

香筱石軒靜欄同倚亭秋波平海不揚筱石七年無限

意兩鬢各成霜亭秋悲鬱難遣漸成衰病敘女一別七年

藏海園聯句卽送趙次山督部出關

底事詩腸澀亭秋懷人夜出關短衣千里別筱石匹馬

幾時還瘦骨支離甚亭秋雄心自在閒無忘發祥地筱

石再造舊河山亭秋



又見兒童樂筱石重來竹馬迎使星旌節貴亭秋甘雨

黍苗生日近心常捧筱石風高袖本清匡時須努力亭

秋珍重故人情筱石

藏海園聯句

領略名園勝亭秋清和四月時鳥喧人寂寂筱石春去

日遲遲翻砌花圍帶亭秋垂簷柳挂絲駐顏憑酒力筱

石多病怯風欺樓外數聲笛亭秋牆頭一角旗天中佳

節近筱石繡虎費尋思亭秋謂紋女昔日午節必作繡虎

題湖天春泛圖

六橋三竺最悠悠大好湖山一任游載得扁舟明月滿

春光和暢獨句留

鶴與琴書一舸收  
西冷風景總常留  
蘇隄煙柳清塵俗  
得句高吟獨醒眸

和筱石初度日花下作

筆端丰采句如蘭  
詩戰吟壇閒倚欄

每逢生辰與文案  
諸君唱酬極一時

之盛日朗天清 明主聖風和  
雨潤庶民安腸迴我似車

輪轉

數年思女無時或釋  
遇生辰年節尤甚

胸次君真海量寬  
春滿畫堂

香繚繞趨庭猶慰膝  
前寒

早閒拜壽時異香盈  
庭吾女來定省矣

和騁懷軒聽雨韻

宦情一何熱風雨不知寒  
酒味殊嫌薄詩腸未覺寬  
登

山懷謝傅運甓效陶桓鎮日思歸切徘徊九曲欄  
一雨清餘熱輕羅微覺寒倦遊花徑溼歸棹海天寬民  
力肯輕竭士風休尙桓望雲心悵往且自倚雕欄

晚興

雨過園林綠輕風送晚涼士風趨詐僞民意總安詳惜  
少回春手難言愛國腸天錢三十萬爲問幾時償  
此理費人猜愁心何日開夢魂仍縹緲仙步盼歸來夜  
漏銷紅燭春郊潤綠苔望雲情脈脈奚處是蓬萊

和筱石韻

客裏韶光感鬢毛臨池杯酒醉葡萄惟將心迹邀明月

欲斷情絲乏并刀林下甘泉聊自遣客中風味笑徒勞  
茫茫宦海回頭岸整備歸舟快著篙

騁懷軒憶女感作

花氣覺幽香風輕送晚涼滿懷仙子輦難覓女兒裝虛

度添惆悵每值初度更覺鬱悶真情憶故鄉病多心惴惴終日自

徬徨

檀降入蘭房神歸侍繡牀昨晚聞檀降香覺夜眠較往日稍安黯攜瑤島

草來侍藥爐香每有不適取供女前爐灰服之即效仙蹟含真遠親心何

日償右台回首處淚點溼羅裳

疊戊申初度韻

滿院花枝豔微風細雨天輕雲明似水長日宛如年悵  
望瓊瑤闕愁觀玳瑁筵最憐雙鬢白絮舞冷庭前  
病久偏多睡衷懷有幾知宦途須撒手故國早舒眉對  
景觀時雨開軒誦雅詩和風馨滿座欣讀樂天詞

偶占

廊外雨纖纖名花照眼鮮薄羅難卻冷夏至著重棉

和筱石主人詠鶴韻

水驛山程幾度新桑田滄海水雲身觀光上國無雙士  
一出陽關少故人小住名園爲寄客大開詩會讌佳賓  
聲聞天闕飛鳴遠高志沖霄不慮貧

夏日與學堂諸閨秀聚詠

馨風吹得佳賓至雅集名園消晝長 亭秋 鳥語枝頭聲

瑣碎 道如 蜨飛花下影悠揚閨門自有清操志臺閣難

求冰雪腸 亭秋 一局何能陪謝傅探驪無術愧登場 懋

芸

自憐病久不舒眸邀到名姝且唱酬 亭秋 簾影沈沈人

寂寂花香拂拂興悠悠 懋芸 閨門雅聚園林勝文士風

流翰墨投 亭秋 刻蠟燃膏緣底事騷壇贏得一清幽 懋

芸

藏海園晚興

漫步牆陰細細評名花照眼柳相迎亭亭池沼擎荷蓋  
曲曲闌干鎖豆棚清夢初回雙鶴舞晚涼微覺一蟬鳴  
嫋嫋小立吟懷遠自起開簾待月明

六月十九夜不寐憶女

與汝仙凡別春秋又幾番中懷常似結雙鬢漸成髡夢  
繞錢塘景神馳嬖女村輭紅偏絆足何日返柴門

又

客窗獨坐黯消魂衙鼓沈沈掩戟門風過簷前燈照壁  
思兒無夢伴黃昏

藏海園夏夜聯句

暫領名園勝亭秋凭闌百感并凝香官閣靜筱石息影

海波平天潤雲多幻亭秋樓高月倍明紅搖燈一角筱

石綠泛酒雙罌疊石看獅舞亭秋飛泉聽鳳鳴閒情催

漏箭筱石涼意撲簾旌永夜何嫌寂亭秋明朝又放晴

折花殷獻佛筱石又向普陀行亭秋明日十九為觀音大士誕辰

藏海園晚興

習習輕風漸晚涼滿池花氣送荷香仰觀雲色偏多感

一曲清歌繞畫梁

游藏海園憶女

長日悲懷黯淚流六年鬱鬱但凝眸身居錦繡偏多感



心念林泉難自由  
秋色籬邊花似錦  
水晶簾外月如鉤  
宮商一曲天微暮  
隱約明星傍綺樓

寫懷

西泠泉水總清流  
再踏名湖可醒眸  
一綫洞中尋佛蹟  
半山亭畔究根由  
籬邊靈雀難伸翅  
池內游魚易上鉤  
回戀橫橋新第宅  
數聲長笛倚高樓

和韻偶成

且向園林望雲起  
竹籬曲折任游行  
緩步花陰來復去  
何日行程動客旌  
秋江風靜歸帆穩  
再看兒童竹馬迎  
名園佳景雖堪戀  
那比西泠湖沼清  
新荷出水無漬滓

一片冰心水閣生階前萬紫千紅鬪不及亭亭愜我情

階前野花甚多不及新荷之亭亭玉立也新雨點池花欲語眉案澆愁飲巨

觥病後清癯偏易醉滿腔情緒對南榮從此年年願共

賞君歌我和句同賡仙雲仰望升西矣夕陽澹澹照花

棚

和筱石銷夏元韻藏海園言景憶女

欲去塵囂愧未能滿懷心緒冷如冰仰觀天色行將暮

隱約疏林數盞燈

一病年餘難復健每逢佳景強登臨雲生萬壘明如錦

數點斜暉挂柳陰

回首梁園遇急雷七年眉葉苦難開心神恍惚愁如結  
日盼仙車入夢來

遙聽漏點一聲聲塵事紛煩何日清習習清風花圃靜  
霞光萬道護雲旌

鶴聲清唳繞詩窗譜就新詞字字雙鐵柵收來難展翅  
汝還知否念宗邦

綠黯紅稀踏軟苔亭亭荷蓋傍闌開一池清趣殊堪賞  
嫋嫋蜻蜓點水來

不嫌芒刺可兜鞋爲愛名花雙目揩歡聚一堂權埽俗  
故教杯酒早安排

飲罷羅衫剩酒痕不禁回憶故園村橫橋風景殊清絕

何日扁舟返里門

園中即景聯句

卍字欄杆八角亭

筱石

嫋嫋小立看雲停新荷拂檻無

窮碧

亭秋

細草侵階不斷青睨睨流鶯輕弄舌

筱石

翩

翻老鶴對梳翎朝來一雨涼生簟

亭秋

晚待雙星靜倚

櫺四壁疏燈簾外影

筱石

半池明月鏡中形山居泉石

偏難隱

亭秋

天際仙墩未易聽千里懷人詩代柬

筱石

七年憶女夢通靈每逢佳日多生感

亭秋

宦境茫茫水

面萍

筱石

又

納涼小坐為看荷

筱石

衣絳仙人丰采多一道流泉如

挂壁

亭秋 津署藏海園  
流泉由山壁而下

半彎初月已澗波竹牀讀畫

容吾懶

筱石

茗椀催詩對客哦何處晚花如錦繡

亭秋

雙橋風景憶橫河

筱石

花上欄杆月上樓

筱石

新涼燈火夏如秋蒼茫暮色風

初定

亭秋

自在行雲水共流翠蓋亭亭銷伏暑

筱石

晶

簾隱隱度清謳數聲玉笛西牆外

亭秋

回首鄉關萬里

愁

筱石

藏海園作

臨池小坐愛荷香翠蓋亭亭丰采揚  
蜨戀名花縈畫檻  
燕偕舊侶覓雕梁薰風習習名園靜  
夏日遲遲藏海涼  
回首湖山何日轉數聲長笛入雲鄉  
攜得嬌孫步綠苔花陰深處暫徘徊  
雨微草綠亭階滑  
風細雲青天闕開滿目朝光無可遣  
一腔愁緒又重來  
但求航海歸帆速再駕輕輿到右台

### 憶女

藏海埽塵氛花香雨後聞  
凭欄臨曲沼倚檻望行雲  
添我胸中鬱憐兒故國墳  
兩女皆卜葬於右台山  
此心終攪攪塵務

太紛紛

七載感雲飛流光日漸非病多憐步輒樂少患心違仙  
境蓬山遠家書故國稀滿腔無限恨何日歛柴扉

廿二日求晴

一意禱眞堅香煙已達天陰雲消四野旭日照窗前草  
澤英雄歎中原戰伐連蔓延無可止不若隱林泉

和韻詠時

情投共領墨痕香漫拂花箋吟興長竹外倚闌窺澹月  
蘭心品茗納新涼連宵風雨吾多感萬里烽煙民自狂  
一片漏聲偏擠耳滿腔愁緒夢難長

中秋卽景

鼓角聲聲靜戟門還將詩句細評論燈前聚話興衰事  
共品龍團作酒樽

海上濤聲誤浙潮前宵風雨甚猛朝來蜂蝶舞纖腰秋風吹得

花枝瘦譜就新腔一曲簫

花舞闌前月照窗鄉思無盡對銀釭重簾不捲因風烈

歸雁雲端比翼雙

浙水名湖次第尋雲山深處訪仙禽柴門靜閉花如繡

一片清輝照此心

詠鸚鵡

鸚鵡簷前巧語忙連朝風雨惜年荒連日苦雨今幸天霽憐他麗



質非凡物爲鎖雕籠翅不揚

秋節詠懷

涼月漫西沈家家坐夜深清光明檻外秋影過庭心玉  
盞斟新茗苔痕染舊襟驚濤平碧海歸棹轉山林

又過團圞節鄉心憶舊樓風聲疑夜雨雲色幻深秋搦  
管詩拈韻開簾月上鉤蓬山何縹緲歸意繫心頭

得何潤夫侍郎淑配喬夫人和韻詩疊前韻

梁孟相莊寄國門惟將詩句細評論雲煙滿紙清才妙  
舉案吟成共一樽

春來和暢度江湖風拂長隄柳舞腰寰海激清民意樂

清音遙聽洞庭簫意欲南歸聞鄂亂而止擬明春再整歸裝

六橋三竺細追尋女莊成聽囀禽於西湖買地一區為女築莊名曰瓊

女祇惜謝庭何冷落病多潦倒老年心

竹影橫斜照茜窗笛聲一曲背銀缸遙看碧落清如水

月裏嬋娟影對雙

酬寄喬夫人

丰采翩翩一紙裁花箋珍重手親開清吟疊出齊眉案  
妙句欣觀吐鳳才秋水長天歸雁去春風短棹客帆來  
偕園且試新醅酒好向西湖共探梅

和喬夫人來韻

浣誦新詩子細詳花枝弄影已斜陽欃槍滿地何時埽  
刁斗驚心入夜長歸雁穿雲飛海島炊煙出樹隱村莊  
欣觀妙句清才絕惜在天涯各一方

詠蜨憶女

翩翩墮下有來因秋日花繁誤作春應有心情蠲世亂

仙風吹醒夢中人

時已九月有黃色蜨旋  
菊花旁或女來解亂

又

雲靜天高日落時迴翔飛蜨墮花枝干戈攪動平何日  
洲島雲深定已知南國塵氛須埽蕩北門鎖鑰賴扶持  
清風栩栩庭前彩應慰椿護不盡思

千戈不息感而有作

徧地兵戈釁驟開誰為戎首突然來良醫莫展回春手

上將須求退敵才敢說長城容坐鎮甚於洪水困沈災

一門忠孝成奇節導引旌旗欵欵來

陸中丞一門殉忠殊深敬仰

聞鄂事有感和筱石韻

攪動干戈未肯休江風慘澹正深秋心如輓轉懷龍

闕意在遙天念鶴樓鄂渚居民成蕩析漢陽戰士少機

籌西冷悵望湖山靜何日歸帆任我游

偶成

四海軍容漸不支憐君病體苦堅持一身不負皇恩

重數載沈迷宦迹遲叔季人心難挽處天邊月色正明  
時仙風儻拂層霾散試問瑤臺知不知

又

我已偷生十二年思兒悲苦總相牽春花秋月恩恩過

雨鬢皤然疾病連

庚子拳匪亂至今十二年

閨中憂國起愁腸爭地爭城爲甚忙或者天心猶厭亂  
消除劍戟事農桑

示學堂閨秀

蛾眉壯志豈纖微講舍觀光耀國旗夢繞慈親懷內綫  
寒生游子客中衣飛雲出岫知音少愛日承歡孝養違

風雪滿涯須自惜願隨歸雁向南飛

送張志蘭回南

衝寒航海慰護堂定博親心喜氣揚一水盈盈神早越

高樓倚處望家鄉

長夏偏教一面親愛他憨態出天真秋風何故催人別

閒望行雲黯出神

感時

四野戈鋌漸不支天心如海總涵之宗磐人物飄零甚

可有擎空隻手持

堯母賢名頌八方帑金不惜助餼糧  
初秋 隆裕太后  
出內欸賞戰士與

饑民等

深仁厚澤由來久士氣從今定激揚

詠時和筱石韻

遙瞻北闕總酸辛黼展無權事事新釀就危疑凌

弱主拋殘老幼苦良民堪憐金粉南朝地飄泊烽煙楚  
水濱何日片帆江海穩荷鋤自作種花人

幾處烽煙次第收但憑天意罷貔貅勲名已上麒麟閣  
妙手重回鸚鵡洲黃鶴樓前風息定洞庭湖畔月光浮  
聖朝自是恩如海消去胸中萬斛愁

天清日朗滿江河漁子垂綸樵伐柯慰問瘡痍民氣復  
湔除戰氣瑞雲多南荒仍戴君恩重中夜休聞起舞

歌好啟柴扉尋舊隱春風秋月及時過

對梅懷女

花枝珍護不辭辛隔歲瓊葩又復新

梅萼數枝移置窗  
前即去歲復盆者

浮動清香消劫燄橫斜疎影鬪丰神窗前新月輕雲澹

簾內餘馨更鼓頻回首里門增悵望右台山色已成春

右台山女墳前徧  
種梅花數十枝

十一月廿九日焚寄紋女感時

一炷清香拂羅巾盡淚痕神昏腸已斷何處覓仙魂

夢寐頻年別烽煙萬里塵謝庭何寂寂遙寄膝前人

世事逢陽九吾兒幸早行故園翹首處香雪右台生



帶病懨懨過愁觀世事更夜來難入寐心緒總難平

感時

朔風吹更惡久客欲何之雖愛楸枰好難觀殘局棋  
風烈何時息天高日影遲挽瀾雖有志事已至如斯

又

垂老蒼蒼鬢酬恩亦大難空存 君國志權作夢中看  
脈脈銀河水飄零舊錦機雲章無五色寂寞冷斜暉

元宵詠時和筱石韻

干戈催動平何易老幼拋殘若箇憐閒坐客窗共明月  
斜欹病榻憶林泉清晨江水平如鏡昨夜街聲火燭天

孤負元宵好風景一腔忠憤念 君前

丁沽寓齋和筱石韻

萬木春時已轉青移居暫避大沽丁  
干戈攪動心生憤  
旅客愁多體不甯一載 殊恩慚報稱  
半窗清夢感飄  
零西冷回望浮雲滿遙對長天數曉星

和大兄春歸元韻

江南風景總依依已過春朝尙未歸  
動地波瀾何日定  
數番變幻古來稀  
心頭飲恨悲青瑣  
眉角含愁念 紫  
微廿載 殊恩難報稱  
願將官錦換蓑衣

和花農侍郎紀夢原韻

珠璣落紙本天工捧讀佳章佩五中  
潦倒情腸緣愛女消除塵劫仰英雄  
西冷湖畔桃花雨揚子江頭楊柳風  
何日理裝重買棹右台山色不朦朧  
幼年喜誦蓼莪篇小步趨庭問字連  
一卷毛詩傳老母滿窗花影會羣仙  
頒來詞苑凌雲筆整備江千載月船  
荏苒光陰春日暮長隄柳色已飛緜

春日懷女和花農侍郎韻

髻年隨意挽雙鬟彷彿形容隱約閒  
畫閣沖霄延舊侶珠簾垂地聚仙班

前筱石夢女與四五仙女圍坐簾下女坐第三坐

光陰一霎

歸瓊閣靈迹連番憶故山幸得高人傳妙筆墨花飛處

彩成斑

又現真靈頃刻中夢占維虺勝維熊句如織錦紛紛彩  
文似穿珠字字工林下流泉輕世俗天邊飛雁入長空  
凌霄自有清華志微示擎天一片衷

尺幅煙雲錦繡篇駢珠疊玉總相連繪圖記夢緣嬌女  
索句求題仰謫仙楊柳因風庭畔絮桃花流水渡頭船  
思兒滿腹愁難盡情緒如蠶絲結繅

世事而今不忍言休從赤壁問曹孫夷傷滿眼憑誰療  
幽憤填胸向孰論金甲許窺蓬島影玉窗記取桂樓痕

往在武昌節署蜨桂樓與  
筱石攝影女留照於窗中

曇花一現須臾耳賴有佳詩

感沒存

花農侍郎以其母夫人都梁香閣遺集見示敬題

一律

林下風堪挹才名與德齊  
速賓陶侃母舉案伯鸞妻  
藻采題黃絹花封降

紫泥遺編殷浣誦鄉夢到湖西

和周道如女士韻

自憐生性厭喧譁  
獨倚晴窗望暮霞  
爲戀閨英臨舊地  
更觀親種滿園花

偶成

江山錦繡倩誰扶鬱鬱襟懷愧丈夫浮世升沈何足論  
辛勤權作灌花奴

一樽自酌漫成歌樓外薰風感慨多仰望長天歸未得  
滿腔煩悶意難和

感時

冷落長安舊日宮滿城荆棘聚叢叢吹來烽火層霄外  
攪動干戈一載中五月閒居江草碧六街慵踏輦塵紅  
江山依舊空惆悵椎髻徒高隱士風

漏聲隱隱未央宮殘月疎星花影叢九曲愁腸江海外  
滿腔忠憤夢魂中倚窗遙望長隄碧翦燭微窺一角紅

別有閒情吟不盡長廊寂靜引東風

樓上新秋詠懷

雨後秋光淨似揩小窗景色亦稱佳  
橋邊楊柳紛紛舞  
天上星辰密密排一曲清歌隨笛韻  
幾番拈句鬪詩脾  
感深特達無由報  
賸得歸心兩意偕

畫裏晴嵐鏡裏樓  
羨他江水向東流  
幾番幻迹仍如昨  
一片歸心已入秋  
隄上風光堪醒目  
故鄉煙景總凝愁  
遙知樓外樓中客  
戲折花枝作酒籌

七夕

玉露金風又一年  
前情如夢夢如煙  
樓中瓜果仍然設

不見吾兒貌是蓮

蒼蒼兩鬢近衰年以後情懷已似煙滿腹羈愁向誰語

西冷何日采紅蓮

將有南行和筱石韻

牽絲布網密張羅忽忽光陰荏苒過變幻風雲從古少  
奔流河海向東多青山買宅今歸矣紅燭燒殘奈老何  
遙望長安休極目滿腔忠憤託悲歌

亭秋館詩鈔卷九



亭秋館詩鈔卷十

錢塘許禧身仲諤

淞濱集

中秋前一日申江望月寫懷

望京依斗總心酸  
國事如棋壁上觀  
傳漏宮中猶似昨  
飛書海上總難安  
投簪幸喜歸田里  
竊藥曾經幾燠寒  
佳節樓頭同舉案  
且將杯酒慶團圓

感作

天上愁雲黯無聊  
對酒樽光輝仍日月  
治亂此乾坤花  
下車聲轉樓前鳥  
語喧寸心終鬱鬱  
北望倍銷魂

詠懷和筱石韻

同望長安淚落襟幾番無夢聽更深夜將玉枕評新茗  
晨采名花插寶簪檻外車聲何輾輾欄邊日影太沈沈  
天涯一任層雲滿胸有珠光總不侵

六街景色暢胸襟尙覺愁腸鬱鬱深滿眼滄桑悲世局  
一腔忠憤謝朝簪風濤海上飈輪急雨雪當途禁漏沈  
但把此心盟皓月紅塵渣滓豈能侵

花農侍郎以齋中新開綠菊二枝寄筱石且賦詩  
索和筱石有答余亦漫成二章

徐公畫法比椒畦

吳中王椒畦先生善畫侍郎藏有先生山塘踏月圖

三徑傳神

彩筆攜花影，伶俦憐蜨抱。草痕深淺護，蛩唳新霜老。圃  
千枝傲秋水，長天一色迷。五柳柔條搖碧處，柴門不敢  
鳳輕題。

西湖蕝菜此剛肥，送酒無須待白衣。早向青門鋤繡壤，  
絕勝黃萼鬪金徽。比來修竹濃如許，量到孤松大幾圍。  
應笑楓林爭絢爛，亂飄紅葉繞煙磯。

綠和作

詠綠菊步花農同年侍郎韻

筱石

沿籬隨意到花畦，玉杖逍遙手自攜。松徑雲荒疑翠染，  
楓林雨過笑紅唳。折來袖底寒能傲，插近眉邊黛欲迷。

會賦白山茶並蒂秋來非復舊時題

春閒君賦並蒂白山茶余有和章

萼華休共雨梅肥不待回黃已染衣  
濃酒新醅尊對影孤芳古調綺彈徽  
緣深青女吟秋圃骨傲黃金薄帶圍  
波泛櫓搖煩背指肯同苔點上漁磯

筱石和王子展觀察辛圖二韻詩與夢華中丞各  
疊韻至十次之多以稿寄花農余亦勉成二律附  
書同寄

南船北馬歷艱辛暫向淞濱寄此身世局已嗟  
輸似弈王言無復如出綸江湖落拓容歸棹戶牖  
綢繆憶束薪動靜萬端觀自得優游山水智兼仁

青雲親見展鵬圖聲價當年重五都為欲尋詩烹玉茗

頗思調水寄銅符南徐學派推元直

花農為元直先生後見所著誦芬詠

烈後編

北孔書家數信夫

往時書家號南梁北孔梁謂吾鄉山舟學士孔謂信夫先生繼

也近日才人都遁迹白鷗相對隱菰蘆

### 錄原作二十首

### 四疊前韻酬夢華

筱石

才兼屈宋調蘇辛

君能文工詩尤善倚聲

鄴架曹倉寄此身采石

磯頭會弔古汜光湖裏好垂綸俊游此日同攜酒

君會招紹

依諸君酒樓賦詩

廉吏他年子負薪

君解官後兩袖風清令人欽佩

時局蝸蟻

君莫問閒居一賦學安仁

尺幅他鄉笠屐圖征衣先後寄成都與君先後游蜀香山近體

酬元九公瑾同年友伯符漫道建牙雙節度依然識字

兩田夫何當把酒霜天晚秋筍登盤折短蘆

申江夜雨有懷少石大兄八疊前韵

又

向平婚嫁足勞辛兒女成行累一身今夜又虛聽雨約

何年重理霽虹綸南明河霽虹橋為童時釣游地榻容鼯睡戈橫枕時伯

兄居青島桐到全焦爨泣薪莫怨山中薇蕨苦夷齊當日本

求仁

齊煙九點眼前圖咫尺勞山近紫都白首同心縑比素

青精叩齒玉爲符鷁舟夜話借仙侶

謂林詒書同年

屨市朝游

狎販夫詩罷憐君更憐我倦飛鈍鳥尙栖蘆

見五燈會元

### 西湖六憶

#### 放鶴亭

當年高士此幽居萬樹梅花帶月鋤今夕憑闌誰領略  
鶴聲喚徹夜窗虛

#### 彭盒

藕花深處築吟盒名將風流擅美談何日小瀛洲畔泊

其地有小瀛洲坊額彭剛直所書也

坐看月影度三潭

#### 俞樓

鴻儒當日說經樓六一泉旁勝景收杖履不來春尙在

碧桃閒煞對簾鉤

曲園先生有春在堂集

### 法相祠堂

定光古剎擁慈雲

法相為定光佛道場真像至今尙存

下有崇祠薦飶芬

記得夜深聽雨處隔隣時憶女兒墳

### 右台山

女嬃於此久埋香月白風清夜色涼曾有仙蹤頻入夢

今宵或者覩明璫

### 天香樓

手種庭前金粟枝月華午夜最宜詩秋來一樣花開處



冷露侵階定不知

湘綺先生寄筱石長歌一篇筱石有和皆傑作也  
余未敢續貂勉書一律於後

秋風江漢水波騰偉論都由慧眼激欲覓仙源從泛棹  
也如佛法有傳燈樓誇風度人何處經續離騷怨不勝  
聞道辦香金共鑄山頽猶憶抱寒冰

筱石步至徐園成七律一首余亦欣然有和

賭韻尋詩豈畏勞君才工麗比枚皋天然路穩非關杖  
自在舟行不用篙是處有花春早透晚來得酒興同豪  
性真葆得長生術無待香分曼倩桃

錄原作

筱石

病起步至徐園小詩錄請花農同年正句

信步尋幽未覺勞蒼然暮色滿林皋  
三弓徑僻雲雙屐一鑑塘開月半篙  
宿鳥似驚人影瘳晚花相助客吟豪  
清游不減王猷興看竹何須宴李桃

夢華中丞七秩生辰筱石賦五律四首余亦次韻

為壽

不攜叩竹杖看舞老萊衣

中丞與筱石皆曾至蜀

為有籌添屋時

聞客欵扉耆年侔綺皓  
故老訪箕微一笑開尊處怡然

任化機

名園同散步芳信早梅探主是徐城北

筱石昨有步人至徐園詩

如陸劍南宮花傳及第

公丙戌以第三人及第

諫草冀回甘

公抗疏劾

不職者為當軸所忌

治譜沿江誦清風播美談

平生惟忼直志欲起頑廉吏隱一身擅行藏兩美兼  
居人自壽仕路興殊厭千駟何能挽簞飄轉不嫌

勝地投金瀨

公家金壇

餘風憶昔人目窮天以外迹遯海之

濱刻畫諧宮徵

公善倚聲拙詞會荷賜題

從容適性真願陳無量頌

丈六現全身

錄原作

祝夢華同年七十壽

筱石

報國千秋鑑還鄉一品衣  
鳩扶黃髮杖鶴護白田扉  
晴雪上初日長庚入少微  
編年書甲子與世早忘機

帶草德門長榜花金殿  
探政碑先皖北書種繫江南  
蜀柏凌霜肅湘蘭化雨甘  
吳頭銜楚尾風便接高談

一笑還初服幽居在讓廉  
樓臺無地起仙佛喜身兼  
煙水蓑頻著雲山屐未厭  
黃花香晚節容澹復何嫌

紅杏曲江宴晨星賸幾人  
題襟曾漢上翦水又淞濱  
咳唾新詩富鬚眉古貌真  
後凋有松柏珍重百年身

連日瑞雪盈尺滬上故老云  
十餘年來所未有筱

石函告花農侍郎得報書謂  
古人有言今日始有

春夏始知寒暖蓋公之謂因次壽夢華中丞生日  
詩賦四律見寄雖不克當而語有至理筱石出書

見示余因申此意成長歌三十四韻兼質侍郎也

南中氣和融朔風聽忽繁彤雲四面遮寒威輒凜凜須  
臾開六出飛花競成陣積潦悉凝冰遙林皆失影鴛瓦  
厚無稜螺峰堆沒頂坦坦履道平缺陷惟玉井雖比精  
衛填轉與漏卮等理各有所宜萬軌豈同軫我聞父老  
談盼澤久延頸光陰十數年飄忽意殊靳始焉玉霰飛  
旋見銅鈺炳侵階不盈尺屢喚袁安醒芳塍動失望萌  
芽慮稜疹何圖今冬來一夕生驟冷玉龍十萬隊翔舞

亂馳騁通宵至達旦萬物入融渾乾坤玉田滿世界銀  
河耿鶴語噤無聲猶記堯年準登樓起眺望晃漾闢奇  
景遙知孤舟客獨釣一竿秉且識三農歡來歲慶豐稔  
寄書向京國得報語新穎謂是詩人來造化通俄頃始  
能正四時寒燠不凌紊斯言固莫當名論洵英敏我無  
因風句柳絮吟未穩亦啻煮團茶羊羔傲俗吻惟思去  
年來烽煙燭天炯焦土或成塵腥風海波滾經此一蕩  
滌萬穢得清淨冰壺無片埃欲唾轉不忍聊將心迹指  
愧乏清歌引隨鴻詩可附莫踏瓜泥印惟冀和陽春令  
我曲聽郢

錄和作

亭秋賦喜雪一歌才氣縱逸余亦勉和一篇寄花  
農同年並正

筱石

曉窗凍雲滿披衣覺寒緊盆花漸瑟縮池冰驟嚴凜豈  
奪蔡州圍午夜初列陣豈泛剡溪船江流白無影似行  
段橋旁恍踏孤山頂峰巒疊瓊瑤煙樹失鄉井此邦作  
寓公蓑笠漁翁等門前深數尺來客車沒軫矯矯舞龍  
鱗飄飄迷鶴頸屑玉語初霏撒鹽意非靳何人映夜讀  
不待一燈炳誰歎伴高士山中卧未醒嘗聞入地尺驅  
蝻滌癘疹矧此祥霽鋪遠過灞橋冷我慚無彩筆未敢

新詞騁君乃運清思吐屬得超渾遙知京華客獨坐意

耿耿昔年直螭坳簪筆侍隆準聰明偶一露靜眺蓬壺

景

花農禁中喜雪詩有豈容尺寸窺深淺便露聰明亦渾融句極為欽聖所賞每見雪必誦此二句謂左

右曰此書房徐翰林作也當時眷遇蓋無其匹中涓侍染翰樺燭兩行秉縱談

天寶事陳迹記殊稔金莖盤裏露研墨染魏顏供奉歷

三年買田無二頃仙班偶小謫朝政此初素絕技誇鄭

虔妙書埒文敏

花農初試南齋景廟執其卷謂恭忠親王曰此卷寫作俱佳王頓首曰此人

非特寫作俱佳乃是詩書畫三絕後臨張文敏書岳陽樓記曲園先生題其後云噫嘻古今文敏三公亦今之

一文

既奏彩雲見宜步青雲穩鵬翮方高翔蠅聲中羣

吻譬之微塵點詎掩玉山炯名言驚四坐天花亂飛滾



宣南小隱廬荷竹得深淨定知吟白戰詩成隽難忍地  
擲金遠聆磚拋玉先引相期明月照兩兩各心印我雖  
舊居蜀巴渝讓楚郢

快雪時晴瑤林炫爛喜成一律示筱石

連朝積玉炫窗紗曉起晴曦繞樹斜定是和風將凍解  
爲添春水到天涯千林璀璨都含潤二麥酥融已發芽  
今夜再看明月照高寒一片射光華

錄和作

亭秋賦雪後喜晴詩極有風致走筆和答

筱石

君詩端合碧籠紗愧我吟成醉墨斜印迹飛鴻踏泥上  
昨賦喜雪長歌有隨鴻詩可附莫踏爪泥印句 嬉晴仙鷺浴波涯花香生暖知  
 風信檐滴如泉淪露芽豐歲西成農有喜固知秋實賴  
 春華

花農侍郎十二月二十九日生辰今年恰值立春

賦二律寄筱石索和筱石和第一章余和第二章合成全璧寄以為壽

飄然珠玉墮山家勝似登高遇孟嘉學圃三弓霜久傲  
侍郎曾以綠菊詩寄筱石余亦有和 硯田五月初華  
侍郎視學嶺南行次羅定江中有餽生魚者縱之江流又行數十里見漁翁舉網得一硯因出資購之其硯紋五色層暈遂名之曰月華硯蓋魚之

所以酬也公隨處種  
福獲報類皆如此  
添籌律應迎春節守歲燈開得意

花鶴舞東風雙翩健題箋喜色映朱霞

錄和作

小除夕爲花農同年誕辰適值立春天人感召吉  
事有祥承以自壽詩見示奉酬一首聊以致祝

筱石

不待提壺已買春生朝一醉適天真十年舊夢聽金鑰

五日先期禮玉晨

正月四日朝玉晨君  
見黃仲則自壽詩注

臘鼓聲喧小除

夕綵旛風動輒紅塵延年頌與宜年帖併入新詩往復

頻

亭秋館詩鈔卷十

一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百